

24
7
9

蘇書經

新編排韻增廣事類氏族大全

十陽

(陽)

商音 玉田

周景王少子封陽樊子孫因邑為氏

晉有陽處父為大傅 魯入陽虎兒似

孔子

擊奸

陽球字方正漢靈帝朝為司隸校尉誅磔宦官王甫等豪右權門莫不屏氣

標秀

陽裕字士倫幼時叔父耽奇之曰此兒吾家標秀佐時之良也後為太將軍司馬

德薰晉鄙

陽城字亢宗与弟潜城隱中條山唐德宗朝宰相薦之召拜諫

德及不哲太師氏
慶應義塾圖書館

(丁集)

議大夫韓愈諍臣論云陽子居晉之鄙晉之鄙人薰其德而善良者幾千人矣

壤白麻

陽城居諫職八年与王仲舒等守延英門伏閣極論裴延齡奸邪且曰脫以延齡為相城當取白麻壤之 遷司業

撫字心勞

陽城為道州刺史治民如治家賦稅不登觀察使數加誚責城自署曰撫字心勞徵科政拙考下下 柳子厚為作遺愛碑

(婚姻)

種璧

漢陽雍伯嘗設義漿給行人三年有一人飲訖懷中出石子一外与之曰種此生美玉并得好婦後求北平徐氏女為婚徐曰得白璧一雙乃可雍伯於所種處求之得璧五雙以聘名其地

曰王田

生十男皆俊異位至卿相

○高陽

朝陽

卧南陽

(楊)

商音

唐叔虞之後伯僑自晉歸周天子封為楊侯子孫因以為氏

弘農

廉潔

楊惲字子幼漢宣朝為中郎將居殿中廉潔無私 谷孫會宗

書云烹羊烹羔斗酒自勞 云云 酒後耳熱而呼烏 二 人生行樂

耳須富貴何時 父敞為相封安平侯

鱸堂

楊震字伯起明經博覽諸儒語曰關西孔手楊伯起客於湖有冠雀銜三鱸魚飛集講堂前都講取魚進曰蛇鱸者卿大夫之服也數三者三台也先生自此外矣 五十始仕漢延光中拜

太尉 中子秉

畏四知

楊震迂荊州刺史昌邑令王密懷金十斤遺之曰暮夜無知者震曰天知地知子知我知何謂無知 子孫蔬食步行故舊勸其殖產業震曰使後世稱為清白吏子孫以此遺之不亦厚乎

三不惑

楊秉字叔節為豫荆徐兗四州刺史所至以純白稱 嘗曰我有三不惑酒色財也 子賜

三葉宰相

楊賜少傳家孝篤志博聞靈帝朝侍講光華殿迁司空自震至賜三葉宰相自震至彪四世為太尉故東京楊氏為漢名族 賜子彪 又子脩

機捷

楊脩字德祖好李有俊才漢末為曹操主簿能解曹娥碑隱語脩即解操行水路三十里方解曰有智無智校三十里 操後殺之父彪悼痛吞操曰猶懷老牛舐犢之愛

我家龍文

楊惲字遵彥六歲受史書十一歲受詩易從兄昱器重之曰此兒駒齒未落已是我家龍文更十年當求之千里之外 梁大宝初拜太子少保封開國公

朱紫滿庭

楊侃字士業愛琴書父播叔父椿一門朱紫盈庭侃獨不仕曰苟有良田何憂晚歲 仕魏為大都督

無心富貴

楊素字處道奇策高文一時之傑周主謂曰勿憂不富貴素曰但恐富貴來逼臣 又無心圖富貴也 隋初加上柱國

一門三相

楊師道字景猷清警有才思善草隸工詩唐貞觀中拜中書令
兄恭仁性忠厚唐初拜侍中 從孫執柔武后朝同平章事一
門三相

清儉

楊綰字公權尚清儉獨處一室左右圖史凝塵滿席澹如也

唐大曆中拜相制下朝七相賀及薨帝嘆曰天不欲朕致大平
邪何奪吾楊綰之速也

重器

楊元琰字溫卿生數歲未言相者視曰語遲者神定必重器也
中宗即位以誅二張有功封弘農郡公

芝雀之祥

楊炎字公南父喪庐墓有紫芝白雀之祥詔旌表其閭唐建中

初拜相以片言移入主意 作兩稅法天下利之父播高蹈丘
壑號玄靖先生

高麗舞

楊再思倭人也武后朝居相位十年張易之曰楊內史面似高
麗再思欣然作高麗舞

金石鏗鏘

楊憑字虛受善詩文韓愈荆潭唱和詩序云僕射裴公均開制
荆蠻統郡惟九常侍楊公憑領湖之南壤地二千里有唱斯和
搜奇抉怪雕鏤文字鏗鏘發金石幽眇感鬼神信所謂才全而
能鉅也子敬之孫戎戴

楊家三喜

楊憑與二弟凝凌俱有重名唐大曆中登第稱三楊敬之與戎
戴亦並登第時謂楊家三喜

壓倒元白

揚汝士与元稹白居易賦詩席上汝士後成最佳警句云文章舊價留鸞掖桃李新陰在鯉庭歸曰今日壓倒元白

慶門

揚嗣復字繼之於陵之子其舅韓滉撫其頂曰名与位皆踰其父揚氏之夢也字之曰慶門文宗朝与李珣同相

文如懸河

揚炯中童科授校書郎年十一待制弘文館武后朝與宋之問分直藝館終盈川令張說曰楊盈川文如懸河注水酌之不竭與王勃等為四傑

金印朝天

楊收字箴之与王鐸薛逢同年唐咸通中拜相逢上詩云須知金印朝天客同是沙提避路人子鉅弟嚴子注兩世四人

翰林李士

懷玉山人

揚億字大年初生其祖文逸夢一羽衣自称懷玉山人竟而生億數歲不能言一日家人抱之登樓偶觸其首即吟曰危樓高百尺手可摘星辰不敢高聲語恐驚天上人年十一歲試中童科喜朝京闕詩云願秉清忠節終身立聖朝授正字真宗朝拜正言迂知制誥翰林李士謚文公

一代文豪

揚億作文與賓客飲博投壺奕棋語笑喧譁不妨締思以小紙細書揮翰如飛文不加點頃刻數千言真一代文豪也與劉筠齊名時號揚劉與王鼎王綽號江東三虎詩宗李義山號西崑体

詩在御屏

楊徽之字仲猷宋太宗聞其名召見以詩數百篇為獻上選十
聯書御屏間梁周翰詩云誰似金華楊處士十聯詩在御屏間
僧文瑩謂楊公作文必以天地浩露滌筆於冰甌雪椀中至
道九老徽之其一也 見李昉

斷送頭皮

楊朴字契元工詩少與畢士安同學士安薦之太宗召見除官
不受歸山真宗東封召對上問有人送詩否曰臣妻一首云更
休落魄耽盃酒切莫猖狂愛作詩今日捉將官裏去這回斷送
老頭皮

一世儒宗

楊時字中立號龜山先生與游定夫謝顯道俱游明道先生之
門李有本原行無玷缺為一世儒宗 宋徽宗朝為國子祭酒
華鄂堂

楊邦乂吉水人始生未冠妣陳氏即世兄弟三人視兄如父揭
所居堂曰華鄂宋政和中以釋褐還家拜伯氏更其堂曰韡又
同郡郭孝友記之曰余嘉楊氏友其季而不伐恭其兄而不忘
一時名勝賦者百餘人

刺血書襟

楊邦乂宋建炎中粹建康金國兵大至杜充戰敗遁去公刺血
書襟曰寧為趙氏鬼不作他邦臣遂遇害 贈直秘閣制云懦
夫爰生名不稱於沒世烈士砥節死有重於泰山 紹興中再
賜田三百畝官其一子 謚忠襄 五子長振文郁文

千載生氣

揚由義字宜之宋隆興初與胡昉使金國不肯供退海泗唐鄧
四郡又不拜曰若死此間做得个忠孝鬼全璧歸朝二公抗節
異域爭禮擅帳千載之下凜然猶有生氣

楊萬里字廷秀號誠齋先生際遇三朝始終一節愛君憂國之心皎然與日月爭光宋孝宗稱其仁者有勇又曰書生知兵寧宗朝除寶謨閣李士年八十自書十四言擲筆隱几而沒子長孺

留俸代租

楊長孺字伯子號東山潛夫帥番禺將受代有俸外七千緡悉以代下戶輸租有詩云兩年枉了鬢霜華照管南人沒一豎七百万外都不要脂膏留放小民家每對客曰士大夫清廉便是七分人了以忤權貴劾去陳膚中作玉壺冰朱絲絃二詩餞行林自知詩云公來無琴鶴公去有草鞋幕官詩云從渠腰下有金帶何處山中無菜羹紹定元年以敷文閣直學士致仕年七十九薨

○楊回居鄉三逐事君三去趙簡子用為相其國大治

○楊朱泣岐謂其可以南可以北列子

○楊王孫漢武朝人孝黃老之術遺戒羸葬以返其真

○楊倫字仲理少師事丁鴻習古文尚書仕洪拜侍中

○楊政字子行從范外受易善說經語曰說經鏗楊子行

○楊國忠貴妃從祖兄也領四十余使後拜相張彖以為冰山

○楊滄仕唐為中書舍人當應制斷窻取本號斷窻舍人

○楊紹復炙手可熱

○楊繪字元素与李常等會飲碧澗堂

○楊丕与彭齊等為江西三端

(女德婚姻)

癡姨

楊氏為姚家婦符承祖母氏之妹承祖方用事親姻趨附楊氏

獨不然謂承祖之母曰姊有一時之榮不若妹有无憂之樂姊与之衣物皆不受由此號為癡姨

秦號

楊妃大姨韓國夫人三姨秦國夫人八姨虢國夫人与兄鉅錡國忠五家第舍聯亘治錦綉琢金玉者千人

新妝詩

揚盈川姪女容華作新妝詩云宿鳥驚眠罷房櫳趁曉開鳳釵金作縷鸞鏡玉為臺妝似凝池出人疑月下來自怜終不見欲去復徘徊

世姻

揚經字仲武潘岳諺文云籍三葉世親之恩而子之姑實予之伉儷潘揚之睦有自來矣

著婚礼

揚瑒居官為清白吏常啖士大夫不能用古禮因其家冠婚喪祭乃據古禮為之節文

夫婦履任

楊汝士小字沙哥白樂天妻兄也汝士領東川節度与妻崔氏同履任樂天代妻作詩賀之云刘綱与婦共外仙弄玉隨夫亦上天何似哥与崔嫂碧油幢引過東川

經笥

揚玠娶崔季讓女崔家富於圖籍玠婚後遊其門悉取觀覽捫腹曰已藏之經笥矣

佳婿

揚於陵字達夫有奇志年十八擢進士第韓滉少許可獨奇之謂妻柳氏曰吾閱人多矣求佳婿貴且壽無如於陵者有子必為宰相以女妻之 唐德宗朝為中書舍人

仙婚

越漁者楊父一女絕色有謝生求娶焉父曰吾女有詩兩句能續之則可詩曰珠簾半窻月脩竹一簾風謝曰何事今宵景無人解與同女曰天生吾夫遂偶之七年忽瞑目而逝後見之江中曰吾本水仙謫居人間耳

○楊敬真田家女也適王清後得仙去

○楊收女妻裴坦之子器用多用犀玉坦命碎之

○楊徽之無子一女賢明知書以妻宋臯

○楊侃奇韋孝寬之才以女妻之 ○楊素從妹妻封德彝

○楊雅以女妻歐陽永叔

○楊東山母羅氏宋嘉定初侍母夫人入京就職

○潘楊 長楊 穿楊

(揚)

奏四賦

揚雄字子雲少好李口吃不能劇談洪元鼎中居嶠山之陽有田一廛有宅一區洪成帝朝有薦雄者上召雄待詔承明之庭奏其泉河東校獵長楊四賦 以經莫大於易作太玄傳莫大於論語作法言史篇莫善於蒼頡作訓纂箴莫善於虞箴作九箴賦莫深於離騷作反騷辭莫麗於相如作四賦 家貧嗜酒有好事者載酒從遊劉棻從雄孝作奇字 王莽投棻四裔評連雄雄持校書天祿閣冷獄使者來雄恐從閣上投下幾死後仕莽故晦庵書曰莽大夫

鐵面

揚王休字子羨調台州黃岩尉白郡黥一武斷豪民州閭稱賀號為鐵面少府

維窠小兒

維窠小兒

揚避幸瓊州人李宇奉使至瓊道遇之至其家其諸父年百二十余祖宋卿年百九十五次見雞窠小兒出頭下視宋卿曰此九代祖也不語不食不知其年

○清揚 荀揚 班揚 荆揚

(羊)

商音 河上

按氏族譜云春秋末晉羊舌氏之後始單姓羊

羊羹之怨

羊斟為宋華元御士元殺羊食士而不及斟斟曰疇昔之羊子為政今日之事我為政与入鄭師故敗

死友

羊角哀与左伯桃為友聞楚王賢而歸之道遇雪度不能俱生乃併衣服与角哀伯桃入樹死角哀至楚為上大夫平王以角哀賢備上卿礼葬伯桃後角哀自殺下從之

懸魚

羊續字叔子續之孫蔡邕之外孫方五歲令乳母於隣家李氏園桑樹下探取金環李氏驚曰此吾亡兒所失乃知李氏子祐之前身也 晉武時鎮襄陽在軍中輕裘緩帶身不被甲鈴閣之下侍衛不過十數人 好遊峴山嘗与從事鄒湛同登慨然浩歎及歿襄陽人建廟立碑其上望者流涕杜預名之曰墮淚碑 迂尚書僕射

探環

羊祐字叔子續之孫蔡邕之外孫方五歲令乳母於隣家李氏園桑樹下探取金環李氏驚曰此吾亡兒所失乃知李氏子祐之前身也 晉武時鎮襄陽在軍中輕裘緩帶身不被甲鈴閣之下侍衛不過十數人 好遊峴山嘗与從事鄒湛同登慨然浩歎及歿襄陽人建廟立碑其上望者流涕杜預名之曰墮淚碑 迂尚書僕射

獸炭

羊琇仕晉為散騎常侍性豪侈屑炭和作獸形以温酒浴下豪貴效之

食藕

羊敦仕晉為廣平太守歲饑家餽不至拔藜而食朝廷聞之賜穀千斛以旌其清

八伯八達

羊曼嗜酒与阮放等八人相友善號兗州八伯阮放為宏伯郗鑒為方伯胡毋輔之為達伯卞壺為裁伯蔡謨為朗伯阮孚為誕伯刘綏為委伯羊曼為黯伯擬古八俊

真率

羊固仕晉拜臨海太守饌客甚盛羊曼拜丹陽尹饌客隨宜論者以固之豐腴不如曼之真率也

畫卧書裙

羊欣字敬元年十二隨父為令時王獻之為吳興甚愛之欣嘗着新綸裙畫寢獻之入縣見之書裙數幅而去

折樹梢

羊侃善馬稍時少府造兩梢新成帝令試之侃執梢上馬左右擊刺觀者登樹折號折樹梢仕北魏為侍中

踏龍尾道

羊昭業唐大順中与顧雲同修史時僕射刘子長有清名求高逢休書為先容謁之雲潛啓書觀之但云昭業擬將一尺三寸汗脚踏龍尾道無一語及雲嘆息而已

○羊陟洪黨銅八顧中人少清直三迁為尚書令

○羊術仕魏為上黨太守孫登表其有專對才子祐

○羊曇謝安之甥安与姪賭墅顧謂曇曰以墅乞汝

○羊璠之与謝靈運等為四友見荀氏

婚姻

羊祐身長七尺餘郡將夏候威異之以兄霸之女妻焉後封万歲鄉君食邑五千戶 ○公羊 相羊 食万羊 叱石為羊

(王)

商音 大原 周靈王子晉王子喬之後

鬼谷子

王詡周末人受道老君居清溪之鬼谷號鬼谷先生

臣義

王陵少文任氣洪高帝功臣十八人位次陵居十三封安國侯高后欲王諸呂陵爭之先儒云人臣之義當以王陵為正

驪歌

王式為昌邑王師以詩授王 廢徵式為博士江公疾之令諸生歌驪駒式曰客歌驪駒主人無庸歸江公曰何狗曲也式謝病歸

後世必具

王翁孺漢武朝為繡衣御史 哄曰吾聞活千人者有封吾所活者万余人後世其具乎 子禁 子譚 商立 根 逢 時 洪 成 帝朝

同日封侯是為五侯鳳曼崇亦禁之子共八子

獻頌

王褒字子淵蜀人益州刺史王褒令作中和樂職宣布詩因奏褒有軼材上徵之既至作圣主得賢臣頌 上令往益州祠金馬碧雞之神道病卒宣帝朝為諫大夫

三世清廉

王吉字子陽漢宣朝為博士諫大夫 子駿元帝朝為諫大夫 駿子崇平帝朝為司空三世以清廉著名

孝子忠臣

王尊字子贛為益州刺史先是王陽守是州行部至中邽九折坂哄曰奉先人遺体柰何乘此險尊至是問吏曰此非王陽所畏道邪叱其馭曰王陽為孝子王尊為忠臣 為東平相王以至親驕奢尊謂曰天下皆言王勇顧乃負貴安能勇如尊乃勇

耳 為東郡大守河決浸瓠子金隄水盛隄壞吏民奔走惟一
主簿在尊旁立不動水稍却乃還洪成帝朝為光祿大夫王
足獨不念卧牛衣中涕泣時邪章不听

牛衣

養性論

王允字仲任家貧无書常遊洛陽市肆閱所賣書一見輒能誦
著論衡八十五篇二十余万言 晚年著養性論十六篇裁節
嗜慾頤神自守 章帝詔以公車徵之不行

潜夫論

王符字節信漢末人少好李与馬融張衡崔瑗友善隱居著本
號潜夫論皇甫規解官歸安定雁門太守謁規 不為礼王符
在門規屣履迎之時語曰徒見二千石不如一縫掖言書生道

義之貴也

望庐而還

王烈字彥方漢末人少有行義鄉里有爭訟者將質之於烈或
至塗而返或望廬而還

繡被墜前

王忱字少林嘗諸京師於空舍中見一書生疾困曰吾腰下有
金十斤願以相贈乞收骸骨忱候書生卒賣一斤營葬余金置
棺下後為大度亭長有駿馬馳入亭而止大風飄綉被墜前乘
馬到雒縣馬逸入他舍主人曰此我家馬也忱因言葬書生事
主人悵然曰我子也姓金名彥大恩久不報天以此彰卿德耳

依刘

王粲字仲宣漢末避亂往依刘表於荊州 曹子建云仲宣獨
步於江南蔡邕每聞粲在門倒屣迎之 与曹刘等為建安七

子見陳琳

卧冰得鯉

王祥字休徵事繼母失氏尽孝母欲生魚時天寒水凍祥解衣剖冰求之双鯉躍出魏末為三老南面几杖以師道自居天子幸李北海乞言五子肇夏馥烈芬弟覽晉武朝八公同辰見何曾

輟社

王脩七歲喪母以社日亡每社設祭哀哭閭里為之罷社

渾默深沈

王昶字文舒魏末為兗州刺史迁司空名其子曰渾曰深名其姪曰默曰沈為書以戒之有云物速成則疾亡晚就則善終朝華之草夕而零落松柏之茂隆寒不衰

明容幡戟

王濬少有大志嘗起宅開門前路廣數十步曰吾欲使容長戟旛旗晉武朝為益州刺史以平吳功拜大將軍

床頭周易

王湛字處冲渾弟也少言語宗族以為癡渾子濟嘗詣之見床頭周易湛因剖析玄微濟嘆服晉武每見濟曰卿家癡叔死未對曰臣叔不癡為汝南内史時稱王汝南

巖下電

王戎字濬仲渾子也幼而穎悟神彩秀徹視日不眩裴楷曰戎眼爛如巖下電阮籍每適渾輒過視戎良久出謂渾曰濬仲清賞非卿倫也与卿言不如共阿戎談嘗經黃公酒壚下過顧謂後車客曰吾昔与嵇阮酣暢於此目彼云亡吾便為時羈繼今日視之雖近邈若山河晉元康中拜司徒封安豐侯

金溝

王濟字武子渾次子也風流豪爽氣蓋一時性好馬時洛陽地貴買地為馬埽編錢滿之時謂之金溝

寧馨兒 阿堵物

王衍字夷甫神情明秀方總角見山濤又曰何物老嫗生此寧馨兒 妻郭氏性貪鄙衍疾之口不言錢妻令婢以錢遶床衍晨起謂婢曰幸此阿堵物去

口中雌黃

王衍初補元城令終日清談每捉玉柄麈尾兩手同色義理有未安隨即更改世號口中雌黃

風塵表物

王衍神姿高徹王戎謂其如瑤林瓊樹自是風塵表物 王敦曰夷甫處衆中如珠玉在瓦石之間 顧愷之稱其巖 又清峙壁立万仞 晉末嘉初拜司徒

絕倒

王澄字平子有高名每聞衛玠言輒嘆息絕倒時語曰衛玠談道平子絕倒 永嘉初拜荊州刺史

三窟

王衍為司徒以弟澄為荊州敦為青州曰足以為三窟矣

新亭之宴

王導字茂弘少有風鑒識量清遠佐晉元帝中與號為仲父諸賢出新亭飲宴周顛等相顧流涕咲曰風景不殊幸自有山河之異導曰當與戮力王室尅復神州何至作楚囚對泣邪拜司空錄尚書事 永嘉初進位太保封郡公賜劔履上殿入朝不趨 六子 悅恬洽協邵蒼

黑頭公

王珣字元琳洽長子也為栢温掾温曰王掾當作黑頭公後果

然 嘗夢人以大筆如椽与之竟而語人曰當有大手筆事
晉大元中為散騎常侍 弟珉 子曇首

難兄

王岷字季琰少有才藝名出珣右時語曰法護非不佳僧彌難
為兄 後代王猷之兼中書令二人素齊名時謂猷之為大令
珉為小令

蠟珠之戲

王曇首內集任子孫戲適僧達下地作彪子僧虔累十博其不
墜僧綽採蠟珠為鳳凰

佳子弟

王羲之字逸少導從子也王敦曰此吾家佳子弟也與王承王
悅為王氏三少 仕晉為右軍將軍會稽內史

羲帖

王羲之臨池亭書池水盡黑草隸為古今之冠論者稱其筆勢
飄若游雲矯若驚龍又曰烟霏霧結狀若斷而實連鳳翥龍蟠
勢若斜而反直其最為後世重者蘭亭記樂毅論黃庭經也性
愛鵝為山陰道士寫道德經畢籠鵝以歸 在戟山為老姥書
六角扇各五字人競買之 子七人其知名者玄之凝之徽之
操之猷之也 猷之子靜之

蘭亭勝集

王羲之為會稽內史上巳日與同寮宴於山陰蘭亭賦詩成四
言五言各一首者十一人 王羲之 謝安 謝萬 王爾之
凝之 林之 徽之 徐豐之 孫綽 孫統 袁嶠之 成
五言一首者十五人 郗曇 華茂 庾友 王豐之 魏滂
謝繹 曹茂之 庾蘊 華平 栢偉 王元之 蘊之
渙之 孫嗣 詩不成罰酒者十六人 王猷之 謝瑰

卞迪 卓髦 王模 孔熾 刘密 虞谷 華香 謝藤
吕系 吕本 曹裡 任儼 右綿 勞夷 宋景祐中會稽
守蔣某修末和故事詩云一段西園曲水声水边終日會冠纓
幾多詩筆無停輟不似當年有罰觥

西山爽氣

王徽之字子猷風流為一時之冠為相冲參軍冲曰卿在府日
久比當相料理徽之初不酬荅但以手板拄頰云西山朝來致
有爽氣耳 性愛竹嘗寄居空宅中便令種竹曰何可一日無
此君邪 居山陰夜雪初霽月色清朗忽憶戴逵 时在剡溪
便乘小舟造門不前而返曰乘興而來興尽而返何必見戴安
道邪 仕晋為黃門侍郎

管中窺豹

王猷之字子敬高邁不羈年數歲觀門生擣蒲曰南風不競門

生曰此即於管中窺豹時見一斑猷之怒拂衣去 有愛妾名
桃葉其妹名桃根子敬嘗臨渡歌以送之因名其渡曰桃葉渡
晋大元中為中書令

廢蓼莪

王裒字偉元父死廬墓攀柏悲號涕着于樹為之枯隱居教授
讀詩到蓼莪未嘗不三復流涕門人為之廢蓼莪一篇 晋孝友

神仙中人

王恭字孝伯美姿儀人目之曰濯 又 如春月柳嘗披鶴氅涉雪
而行孟昶見而嘆曰真神仙中人

王掾不癡

王述字懷祖年三十未知名人謂之癡王導辟為中兵屬問以
江東米價述張日不谷導曰王掾不癡人何言癡

江東獨步

王坦之字文度述子也甚愛之長猶抱置膝上 弱冠与郝超
有重名時語曰盛德彬 又郝嘉賓江東獨步王文度四子 怡
愉 國宝 忱 述坦之愉三世皆中書令

披褐捫虱

王猛字景畧隱華陰山懷佐世之志晉栢温入関猛披緼袍詣
之捫虱談當世事旁若無人温異之 後仕秦符堅為相

將門有將

王鎮惡猛之孫五月五日生猛曰是兒將與吾門矣年十三而
符氏敗寓食龜池李方家曰遭英雄主取万户侯當厚相報歸
晋客荆州刘裕見而異之曰將門有將署參軍事裕北伐鎮惡
為龍驤將軍過龜池造李方家外堂拜母厚加酬賚鎮長安為
沈田子所圖裕受命追封龍陽縣侯

貂裘採藥

王弘之字方平宋武辟召不就拂衣歸耕宋文帝時從兄敬弘
為吏部尚書解貂裘与之即着以採藥釣於石頭或問
漁師得魚賣否曰亦自不得 又亦不賣

白面書生

王玄謨為彭城太守勸宋女帝伐魏帝言玄模諫事令人有封
狼居胥意沈慶之曰陛下欲伐國而与白面書生謀之事何由
濟

蓮幕

王儉字仲宝袁粲曰此兒雖小已有棟梁之器年十八拜秘書
郎 仕齊領吏部用庾果之為長史蕭沔与儉書云庾景行泛
綠水依芙蓉何其麗也時人以儉府為蓮花池

金友

王銓字公衡王錫字公嘏梁人皆琳子也銓李不及弟而孝行

齊焉世謂王昆金友

白團扇

王擢善屬文時王儉使賓客隸事多者賞之何憲為勝賞以五花簾白團扇擢後至操筆立成文辭華美乃命抽憲簾掣取扇登車而去 隸事 摠校虛實類物隸之

青箱李

王淮之字元魯梁人自曾祖彪之而下四世並御史中丞家世相傳並詣江左舊事緘之青箱世傳王氏青箱李

明珠彈雀

王貞字孝逸七歲善綴文隋開皇初齊王暕以書召之曰夫山藏美土光照廊廡之間地蘊神劍氣浮星漢之表 貞謝啓曰李無半古才不過人狂高車以載騃辱明珠之彈雀

鼓琴河汾

王通字仲淹初篤李慨然有濟蒼生之志西游長安見隋文帝於太極殿奏太平十二策不見用楊素甚禮重之 居河汾教授生徒續詩書修元經董常程元房杜王魏等咸北面受王佐之道蓋千余人 鼓琴於汾亭有釣者過而嘆曰居山澤而有廊廟之志 謚曰文中子 弟凝字叔恬二子福郊福時 三孫勳勳勃

斗酒李士

王績字無功隋大業中率孝廉還鄉種黍蕘藥釀酒自供以周易老子置床頭遊比山東臯著書自號東臯子 唐武德初待詔門下省官給酒一斗號斗酒李士 飲至五斗不亂著五斗先生傳及醉鄉記

激濁揚清

王珪字叔玠唐太宗朝為諫大夫嘗令品藻當代人物珪曰云

云激濁揚清臣於數子亦有一日之長當時以為確論

碧紗籠

王播字明敷徵時客揚州木蘭守隨僧飯厭之飯後擊鍾後鎮是邦前所題詩已碧紗籠矣 唐穆宗朝拜望

五經指南

王元感唐武后朝明經高第撰書外繆春秋振滯禮繩愆數百篇魏知古哄曰五經指南也徐堅等薦之詔褒美為儒宗授四門博士

三珠樹

王勃字子安唐高宗朝對策高第与兄勔勳並著才名杜易簡稱為三珠樹 勃為文磨墨數升酣飲引被覆面卧及寤援筆成篇不易一字時謂腹藁 請為文者日衆金帛豐積人謂勃心織筆耕 因作沛王閉雞檄被斥終朝散郎

輞川

王維字摩詰開元中維為尚書左丞弟縉為蜀州刺史維表已五短縉五長 別墅在輞川有歌湖柳浪茱萸泝辛夷塢与裴迪遊其中賦詩為樂東坡云摩詰詩中有昼 又有詩 祿山亂為所得宴凝碧池維詩云万户傷心生野烟百官何日再朝天秋槐花落空宮裏凝碧池邊奏管絃賊平維以此詩獲宥

宮詞

沈香檻

王建唐元和間人以宮詞名家凡一百有四篇逸詩九篇 王元宝巨富以金銀疊屋紅泥泥壁置禮賢堂沈香為軒檻砮砮地錦文石為柱礎銅線穿字為園徑人謂王氏富窟

西江集

王仁裕幼夢出其腸胃以西江水滌之見江中沙石皆籀文

思日進乃集平生所作詩文為西江集 五代漢高祖時為翰林學士迂尚書知貢奉門生王溥和凝范質皆至宰相與門生飲掛詩板於坐次二百一十四門生春風初長羽毛成

金鼎

王溥字齊物趙太祖朝拜相座主王仁裕賀以詩云一戰文場拔趙旗便携金鼎贊無為白麻驟降何恩厚黃閣初開喜可知政敕案前人到少築沙堤上馬行遲押班長得遙相見親狎爭如未貴時 藏書万卷長子貽孫遍覽之 幼子貽求慶曆中拜相

三槐堂

王祐字景叔趙太祖命使魏州曰卿還當與王溥官職及還得謫或曰意公作王溥官職矣曰祐不做兒子二郎必做 手植三槐于庭曰吾子孫必有為三公者天下謂之三槐王氏 官

至兵侍子且

聖德老臣

王旦字子明相真宗於景德祥符間福祿榮名者十有八年為天書使常愷又不樂魏野獻詩云西祀東封俱了畢歸來相伴赤松遊公甚喜 仁宗親篆其碑云聖德老臣之碑 謚文正 三子雍冲素

四諫

王素字仲儀宋仁宗御筆親除四諫官素其一也 見蔡絛 帝曰王素真御史也時目為獨擊鶻 出入侍從將帥三十餘年以工部尚書致仕 謚懿敏 子鞏

水蘖声

王質字子野文正之姪也其在相門弗驕弗華以貧為室仁宗朝歷蔡州廬州荆南府數郡所至有水蘖声

經綸才

王禹偁字元之七歲能文畢文簡留於子弟中講李一日太守席上出詩句云鸚鵡能言爭似鳳文簡書之屏間元之書其下云蜘蛛雖巧不如蚕公曰經綸才也 太宗聞其賢召拜右拾遺賜緋特命文犀帶寵之歆端拱箴上曰元之文章當是天下獨步 真宗朝除知制誥 子嘉言嘉祐

手搏狀元

王嗣宗字希阮趙太祖朝與趙昌言爭狀元上命二人手搏嗣宗勝故种放曰卿以手搏得狀元 為泰山司理有詩云欲掛衣冠神武門先尋水竹渭南村却將舊斬樓蘭劍買得黃牛教子孫

紫微

王欽若字定國少時夜視天文有紫微字 宋祥符中大拜

以故相守杭州有一老尉蒼顏華髮乃同年生也公怜之薦于朝特改京秩尉詩謝云當年同試大明宮文字雖同命不同我作尉時君作相東皇元沒兩般風

真宰相

王曾字孝先眉目如刻畫布衣時以梅詩謁呂文穆云雪中未開和羹事且向百花頭上開呂曰此已安排作狀元宰相矣 弱冠二試皆首冠劉子儀戲之曰狀元試三場一生喫着不及公正色谷曰曾平生之志不在温飽 仁宗朝大拜 范文正曰王公真宰相也 韓魏公言沂公德器謹厚當時有得其品題兩句者皆以為榮 封沂公

變法

王安石字介甫宋熙寧中自參政拜相變新法有青苗市場保馬保甲新經字義水利雇役等名色 後罷相歸金陵自悔變

法之非於鍾山書院多寫福建子三字恨為呂惠卿誤也 先是拜相之日取筆題窓云霜松雪竹鍾山寺投老歸欵寄此生致仕居金陵白下門外遊鍾山慈法雲寺是日正當霜雪虛窓松竹皆如詩中之景公撫然 山谷云公晚年詩律精嚴每韻味之便竟沆齏生牙煩間封荆公 號半山 子雱 弟安國 在經筵二十七年

西溪風

王珪字禹玉宋慶曆中及第試孝士院其文典麗有西溪風 治平四年召至藥珠殿兼端明孝士賜盤龍金盆 神宗朝大拜 晚號志堂居士有華陽集百卷 同范景仁知貢奉

花瑞

王珪監維揚郡王安石為幕官陳外之為衛尉丞時韓魏公出守是邦初夏圃內芍藥開有金腰帶四朶公召四人同賞各簪

一朶後相繼為相果花瑞也

元祐名臣

王存字正仲恂恂不為譏激至有所守確不可奪溫公曰並馳萬馬之中能駐足者其王存乎 呂希哲薦為元祐名臣官至尚書

天子門生

王奇字洪謀為李文定客嘗題詩屏間云鴈聲不到歌樓上秋色偏欺客路中文定薨章聖臨奠見而愛之召見賜及第有詩謝云不拜春官為座主親逢天子作門生

梅溪集

王十朋字龜齡紹興中廷試第一 賦不欺詩云室明室暗兩奚疑方寸常存不可欺莫問天高鬼神惡直須先要自家知 號梅溪有梅溪集朱文公為序 為司業迂侍御史 大孝五

賢詩 見胡憲

○王霸王梁王常並雲臺二十八將中人

○王粹金谷二十四友中人

○王曇首既為家室又為國珍兄弟分財惟取圖書而已

○王彬曇首之子善草隸時語曰三真六草天下之寶

○王渙睢陽五老中人 見杜衍 ○王拱辰耆英會中人

僊道

七轉靈符

王遠字方平明天文圖識洪和帝問以災祥題宮門四百餘字

帝令人削墨入板裏 老君賜之七轉靈符號總真 又 入領仙

公萬五千人 嘗過蔡經家教以尸解

鳧鳥

王喬漢明帝時為葉令每朔望自縣詣朝帝怪之密令太史伺

望言其臨至輒有雙鳧從東南來幸羅張之但得一隻鳥詔尚
方詆視則四年所賜尚書官屬履也

肉芝

王喬蜀人益州北平山有白蝦蟇謂之肉芝非仙材莫之致也

喬食之得道今武陽有喬仙祠

柯山

王質入石室山伐木見二童子奕棋局終坐下斧柯爛矣

石室石髓

王烈字長休入河東抱犢山中於石室中見一卷素書歸言於

嵇康與共往取而失其所在又得石髓如飴即自服半餘留半

與康 又 不敢服疑而為石烈私語弟子曰叔夜不應得道故也

懸崖取桃

王長趙昇從張天師李道一日與臨万仞懸崖下有紅桃二株

師令下取之投崖而墜正立桃樹上道成得仙

瓊花金蟾

王興為蒲江主簿隱秋長山洞中有千歲金蟾見者得道山有瓊花開則有人外天具見瓊花金蟾白日上外

鏡中冠帔

王迪宋熙寧中為洪州左司理有道人磨鏡俾迪自照見星冠羽帔縹緲鏡中遂弃官与妻偕隱新建簿刘純送以詩云髮如抹漆左參軍脫去青衫作隱淪世上更無羈縻事壺中別有自由身鼎烹王兔山前藥花看金鰲背上春莫怪少年能决烈藍田夫婦總登真

金地玉泉

王公名敖號閻仙入白土洞修道經年能藥及詩題龍宮云灵刹倚山光无塵染洞房雲籠金地暖龍噴玉泉香王御史贈

以二詩一云白布攔衫白布裙不羈蹤迹似浮雲而今却有青牛跨便是當年李老君

少室仙伯

王遠知天台山道士也師陶隱居傳符籙作易經十五卷一日雷雨雲霧中一老人叱曰所泄禁書何在上帝命攝六丁雷電取去後司命授遠知為少室仙伯

女德婚姻

貞婉

王惠風衍之女也貞婉有志節為愍懷太子妃太子廢衍請絕婚惠風號哭而歸

燕華君

王綸宋祥符中為太子中允有女年十八自称燕華君謂父曰与汝有洞天之緣初不識字而能詩其雪詩云何事月娥欺不

在亂飄端葉到人間與人言天上有端木花開六出後適呂氏
惜然不復能詩矣

二八字媒

王氏暮年未嫁作詩曰白藕依花風已秋不堪殘睡更回頭
雲帶雨歸飛急去作西窗一夜秋趙德麟鰥居見詩求婚人以
為二十八字媒也

卿答

王渾妻鍾氏嘗卿王渾止之答曰親卿愛卿是以卿我
不
卿誰當卿渾字玄冲見猶子濟趨庭而過渾曰生子如
此足慰人心鍾曰使新婦得配參軍生兒當不止是謂渾弟淪
也

王郎

王凝之娶謝奕女道韞女初適凝之意殊不樂曰不意天壤間

有此王郎

奇男子

王適懷奇負氣處士侯高有一女曰吾女必嫁官人不与凡子
適曰吾求婦久矣此翁差可人意謂媒媪曰吾明經及第即官
人也媪曰得一卷書粗若告身者袖以往則可翁見文書銜袖
即許之後聞金吾將軍李惟簡喜士造門曰天下奇男子王
適願見將軍白事一語合意薦為參軍遷監察御史

婿有風姿

王凱与弟粲避地荊州依刘表欲以女妻粲嫌其形陋以凱
有風姿遂以妻凱

公輔器

王魯未第時李文靖慕之為婿語夫人曰此人當為公輔特呂
文穆亦欲擇之為婿魯曰李公知我從李氏

頑僻

王坦之弟小字阿智年長昏愚無肯為婚孫綽曰我一女不惡坦之白父驚喜成婚女之頑僻過於阿智

擇德

王通曰婚娶而論財非也古者男女之族各擇德焉

○王荆公之妹能詩適張奎封長安縣君

○王荆公之女能詩適具安持封蓬萊縣君

○王仲舒二女長適諫議大夫李行脩早世復婚其妹

○東坡娶王氏後又娶其妹為繼室

○王仲德宋將軍也有妹賢淑以妻郭逸

○王克正一女手相甚貴以妻陳恕

○王敬弘與孔淳之世為方外之遊以女妻其子

○王當為陳州刺史擇姚崇為婿

○王戎女適裴頡貨銀十萬未還女歸寧戎不悅

○王平甫之女適刘天保有詩云不緣燕子穿簾幙春去春來

那得知

○王毛仲嫁女曰万事皆已具但未得客耳

○王逸少坦腹東床郗鑒曰此正佳婿婚姻

○王湛自求郝仲將之女有淑德

○王且娶趙昌言女及為相婚姻不求門閥

○王純亮娶山谷妹山谷有留王郎一詩

○王禹玉選鄭達夫為婿後拜樞相

○王陶滕甫為連袂 王炳張恕亦為連袂

○薛元超三恨第一恨不娶王家女

○王仁妻各羅敷姓秦氏即鄴美女也

○王花玉 山玉 蜂玉 象玉

王氏於晉為盛而有兩派一派洪王書之後有王融又二
 子祥覽又有從兄曰堆又二子渾又渾生戎封安豐侯
 又生衍為尚書令覽六子長子裁生導其後最盛四子
 正生曠生逸少其後亦盛此琅琊臨沂王氏也一派洪
 代郡守王澤之後澤生昶四子渾深淪湛渾四子尚
 濟澄汶湛子承子述子坦之世封藍田縣侯故稱
 述為王藍田此晉陽大原王氏也 有兩渾一戎父為涼
 州刺史一濟父錄尚書事 兩澄一衍弟字平子一濟弟
 字道深兩安期一含子應一湛子產 兩愷一晉武舅一
 切之子 兩處冲一邃字一湛字 兩又一衍父一緒父
 然世說云王武子與從元怙不平則其初豈亦同懸乎抑
 同朝貴盛而通譜乎後之王姓皆出此兩族云

蘭亭考異

任凝 一作汪凝
 卓髻 一作丘髻
 曹禋 一作札
 右綿 一作澤
 王模 一作揚模
 庾友 一作旻

(黃)

商音江夏

顯帝曾孫陸終之後受封於黃其後以國為氏

珠履

黃歇號春申君相楚二十三年門下客三千人其上客皆躡珠履趙使見之大慙

叱石起羊

黃初平牧羊有道士將入金華山石室中四十余年其兄初起尋之道士引至山中相見兄問羊所在曰在山東往視之但見白石初平叱云羊起白石俱起成羊數万頭初起就之李道服松脂茯苓常有童子色後初平改為赤松子初起改為魯般仙傳黃一作皇

政治第一

黃霸字次公守潁川外寬內明治為天下第一在郡八年吏民咸稱神明

黃香無双

黃香字文強年九歲失母事父及孝暑則扇其末秋寒則以身
温席太守刘護聞而異之署為門下孝子 幼能文章專精經
典京師語曰天下無双江夏黃童 漢肅宗詔詣東觀讀所未
見書又召詣安福殿言政事拜尚書郎迁尚書令 子瓊

被褐懷宝

黃瓊字世英漢末建中公卿多薦之公車徵至拜議郎稍迁尚
書僕射初隨父在臺閣習見政事及後居耽達練官曹与周奉
同時輔政名重朝廷郎顛薦之曰被褐懷宝含味經籍 孫琬

陂量汪汪

黃憲字叔度漢安帝朝奉孝廉不就陳蕃周奉常相謂曰旬月
之間不見黃生鄙吝之前復存乎心矣 郭泰曰叔度汪 又若
万頃陂澄之不清渚之不濁不可量也

對日食

黃琬字子琰少辨慧祖瓊為魏郡太守漢建和元年正月日食
京師不見而瓊以狀聞詔問所食多少瓊未有以對琬在旁曰
何不云日食之余如月之初即以其言應詔 後為五官中郎
將

柘枝舞

黃通累奉不第作官數任年將耳順再應奉或嘲之曰老婦舞
柘枝剩負呈武藝

龍頭獨露

黃裳字冕仲常有魁天下之志自叙云予家劔潭之濱斗牛之
光上下相照風雷之信有時變現 宋元豐中南劔州譙門一
柱忽為雷擊作詩云風雷昨夜破枯株借問天公有意無莫是
卧龍蹤迹困放開頭角入雲衢次年果魁天下 工詩有演山

集

黃氏審言

黃庭堅字亞夫工詩如書對聖賢為客主竹兼風雨似咸韶史解
戮人惟戮古地能埋死不埋愚皆奇崛又怪石絕句為世所稱
山谷嘗千書其宿趙屯一詩刻于星子灣跋云先君平生刻意
于詩与子羨吾祖冠古之評何異亞夫真黃氏之審言矣 子
大臨庭堅叔達

江西詩祖

黃庭堅字魯直東坡薦之云瑰奇之文絕妙當世孝友之行追
配古人 初与李公擇相見于舒州石牛洞山谷寺常遊而樂
之故自號山谷道人謫涪州別駕因號涪翁謫黔州寓開元寺
又有摩圍泉因號摩圍老人

呂居仁等推為江西詩祖

元祐中為太史

子相

敦庵

黃相小字小德生母出於微賤故谷詩云解著潛夫論不妨無
外家坡次韻有云名駒已汗血老蚌空泥沙 谷在黔中與王
瀘州帖云小子相今年十四骨相差庵厚又詩云小兒未可知
客或許敦庵

雪鷲風鴈

黃大臨字元明自號寅庵谷之謫黔州也元明送之故書萍鄉
縣壁云兄元明自陳留山渡漢沔上夔峽過一百八盤涉四十
八渡送余至摩圍山掩淚握手臨別有詩云急雪脊令相並影
驚風鴻鴈不成行

騎驢圖

黃叔達號知命君在黔中所作數詩附谷集中殊有家法當由
山谷潤色以成弟之名 嘗與陳履常謁法雲禪師夜歸衣白

衫騎馭綠道播頭而歌履常行于後一市驚以為異人明日李伯時昼以為圖邢敦夫作歌

青瑣登賢

黃廉字夷仲谷叔父也元祐中拜給事中議論引大体谷詩云廊廟從來不在边黃庭青瑣慶登賢

忠鯁

黃昭字晦甫谷伯父也元祐中為閩漕召拜侍御史谷曰伯父在家著孝友之譽立朝有忠鯁之節子友聞友益友顏

酒失

黃友聞字聞善與柳氏兄弟杯酒相失谷有詩云自入醉鄉無蚌岸心與歡伯為友朋更闌罵坐客星散午過未蘇髮鬢鬢

貧樂齋

黃友顏字顏徒作貧樂齋谷以二詩詠之其一云小山作朋友

義重子與蔡香草當姬妾不須珠翠妝烏烏窺凍硯星月入幽房兒報無炊米浩歌繞屋梁

幼悟

黃鑑七歲不能言其祖喜其風骨之美遇物誨之一日携至池上祖曰水馬池中走對曰遊魚波上浮後任臺閣

稼村

黃公度宋紹興中進士第一喜詩有稼村集十三卷與定光子偈和有云嗜酒揚雄官落魄耽耽詩沈約瘦伶俜何時握臂論今古經庫勞君一啓肩

十要道

黃中字通老宋紹興中為秘書監以言不盡用浩然有歸志乃陳十要道之說晦翁致書云明公兩朝元老上還印綬天子賜几杖而乞言為天下知德之士莫不仰慕下風俱有執鞭之

願而進於門人弟子之列官至端明殿直學士年八十五

黃耆因送客都門外入旅舍遇洞賓乃取酒與共飲呂曰明年江南相見既而果得江南見一道士俵大錢七文其次十文又小錢二文仍與藥可數寸許曰每歲但以酒磨服可保一歲無疾年七十餘藥亦垂及作詩曰床頭曆子無多日屈指明年七十三是年果卒

○黃祖性急為江夏太守以禰衡為書記竟害之

○黃蓋為周瑜部將赤壁之捷建策火攻為江表虎臣

○黃敬真武陵人晉大元中緣溪釣魚至桃花源

○黃滔字文江以賦擅名有景陽井館娃宮等賦有泉山秀

句集二十卷唐乾寧中登第仕至御史

女德婚姻

國色

黃公者齊人有二女皆國色常謙辭公醜惡醜惡之名播於遠近長而無婚衛有繆夫冒然娶之乃國色此違名而得實矣

醜女

黃承彥汜南名士也謂諸篇孔明曰聞君擇婦家有醜女才堪相配孔明許婚即載送之諺曰莫孝孔明擇婦正得阿承醜女

十年擇對

山谷季妹適張叔和有詩云有齊先生之季女十年擇對無可人箕箒掃公堂上塵家風孝友故相親一妹適王純亮字世弼谷有詩云墨以傳千古文章之印歌以寫一家兄弟之情江山千里俱頭白骨肉十年終眼青一妹適李安詩亦文章士也

娶巫女

黃霸微時與善相者同出見一婦人相者曰此婦人當貴訪之

乃巫家女霸即娶之与終身焉

黃郎

黃仁覽字紫庭師許君季仙許君以女妻之稱曰黃郎嘗為青州從事晝居官所夜則還家父母怪之紫庭自陳其誠取所携青竹杖化青龍乘去封冲道真人

重義

黃龜年字德昭號竹溪先生初應科舉有縣尉為考官見公大奇之曰安得此郎出我門下既領薦尉喜許妻以女及登第田尉已捐館妻子護喪相遇於道公哭之慟使人導意遂定婚焉宋紹興中為侍御史迂給中

○黃山谷娶謝師厚女

○山谷子相骨氣厯厚眉人石信道以女妻之早歲成婚

○黃芻字季野陳魏公以聶夫人女弟妻之而季野早夭

○黃幹字直卿號勉齋從朱晦翁季朱以女妻之

○蘇黃雌黃玄黃姚黃鵝黃飛黃

(張)

文滴首七清河

黃帝第五子青陽生揮為弓正觀弧星始制弓矢主初弧星因姓張氏

通玄先生

魏法雅入秦改姓張氏

張果隱中條山世傳數百歲其兒如年六七十者唐玄宗遣徐嶠以至書邀之有輿入宮詔以真公主降先生果笑不奉詔還山擢銀青光祿大夫賜號通玄先生未幾卒帝為立栖霞觀

善頌

張老晉大夫獻文子成室張老曰美哉輪焉美哉奐焉君子謂之善頌善禱記

舌在

張儀魏人學鬼谷子之術以遊說顯名楚相誣以盜金箠擊

遍体歸謂其妻曰視吾舌尚在否曰在曰舌在足矣後為秦相

取履

張良字子房少遊下邳圯上楚人謂橋曰圯有一老父至其所
隨履圯下曰孺子下取履良取而跪進父以足受之曰孺子可
教矣期以再會良凡三往父乃出書一編与之曰讀是則為王
者師後十三年見我濟北穀城下黃石即我也且日視書乃太
公兵法後過濟北果得黃石室祠之良死并葬其石伏臘上塚
祠黃石佐漢祖運籌帷幄決勝千里為蕭韓為三傑封留
侯曰吾以三寸舌為帝者師封万户侯此布衣之極於良足
矣願弃人間事欲從赤松子遊耳泗水亭銘漢功臣十八良
第三謚文成侯子不疑嗣為侯次子辟強年十五為侍中

美士

張蒼秦時為御史主柱下方書歸漢從沛公攻南陽當斬解衣

伏質身長大肥白如瓠王陵怪其美士言於沛公而免之以
文孝律曆為漢名相歷事兩朝年老無齒食女子乳百餘歲
卒

結襪

張釋之事漢文帝十年不得調後為廷尉天下無冤民王生
者善為黃老言嘗召至廷中公卿及會王生顛謂釋之為我結
襪釋之跪而結之聞者重王生而賢釋之

乘槎

張騫漢武時奉使大夏乘槎到河源見一婦人織一丈夫牽牛
飲渚父与一石歸問嚴君平君平曰此織女支機石也漢書
不載

鼠獄

張湯為兒時隨父為長安丞守舍鼠盜肉父怒答之湯掘熏得

胤及余肉劾胤掠治傳爰書訊鞠論報具獄磔胤堂下父視其
文辭若老獄吏大驚乃便書獄 漢武朝迂大中大夫 子安
世又八世漲至皆貴盛故班固不敢以入酷吏傳

七葉侍中

張安世字子孺漢宣立以定策功拜大司馬安世以父子封侯
在位大盛乃辭祿詔都內別藏張氏尤名錢以百萬數 自宣
元以來金張之家七葉皆侍中 三子 千秋延壽 彭祖

五日京兆

張敞字子高漢宣帝朝尹京兆九年枹鼓稀鳴 椽絮舜以敞
有劾當免曰五日京兆耳 嘗為婦晷眉長安中傳京兆眉抚
音熾

帝師

張禹字子文明習經孝試為博士 身居大第前堂教授後堂

理絲竹管絃於弟子中親愛戴崇敬彭宣而疏之崇至則將入
後堂飲食管絃鏗鏘極樂宣來但於便坐講論經義日晏賜食
不過一肉卮酒相對 元帝朝詔禹授太子論語成帝即位尊
礼師傅令与鄭寬中說書金雀殿 河平中拜相封安昌侯
傳曰禹以儒宗居相位 子宏嗣 安帝朝亦有張禹字伯遠
封安鄉侯

白馬生

張湛字子孝漢光武朝拜光祿勳常乘白馬生母見之輒曰白
馬生且復諫矣

岐麥之歌

張湛字君游少時志美行厉諸儒號曰聖童 漢建武中為漁
陽大守民歌曰桑无附枝麥稷兩岐張君為政樂不可支視事
八年寇弭民富

張曾子

張霸字伯饒七歲通春秋博覽五經鄉人號曰張曾子初奉孝廉和帝召拜侍中 中子楷

五里霧

張楷字公超通春秋尚書門徒百人徙隱弘農山李者隨之所居成市後華陰山南道有公超市 性好道術能作五里霧順帝徵之不至

埋輪

張綱字文紀順帝漢安元年遣八使循行天下風俗綱獨埋其車輪於洛陽都亭曰豺狼當道安問狐狸遂奏劾梁冀 八使各見考羨

鵲印

張顛為梁相一日雨後見一鵲墮地化為圓石顛推破之得金

印曰忠孝侯印顛表聞藏秘府 靈帝朝為太尉

十腰銀文

張奐字然明前後仕進十腰銀文注云銀印綠綬也以文草染之 漢永壽中迁安定屬國都尉 涼州三明 見段氏

草聖

張芝字伯英臨池李書池水及黑凡衣帛必書而後練韋仲將謂為草聖靈帝朝為大尉

萬人敵

張飛字益德雄壯威猛為世虎臣魏程昱等咸稱為萬人敵蜀先主拜為右將軍封曲鄉侯 評曰飛義釋嚴顏有國士風

博物

張華字茂先博物洽聞者博物志十篇 嘗徙居載書三十乘作詩出於士絜猶恨兒女情多風雲熊少 晉武朝拜侍中

書賜金章紫綬 永熙末少子躔以中台星拆勸華避位不聽
竟為趙王倫所害

思尊

張翰字季鷹有清才善屬文號為江東步兵 晉惠朝齊王罔
辟為東曹掾謂顧榮曰吾本山林間人以明防前以智慮後榮
曰吾當與子採南山蕨飲三江水耳 因秋風起思吳中菰菜
葦羹鮪魚膾歎曰人生貴適志耳富貴何為即引去 嘗曰使
我有身後名不如生前一盃酒

當代文宗

張載字孟陽為當代文宗兒極醜遊洛陽市羣女以瓦石擲之
仕晉為著作佐郎 弟協字景陽次第允字季陽並博學有俊
才與陸機雲齊名時稱三陸三張 贊云載協飛芳棣華相映
六經鼓吹

張衡字平子作二京賦十年乃成孫綽曰張行左思二京三都
賦六經之鼓吹也 作渾天儀著靈憲筭因論數術窮天地制
作侔造化 晉永和拜尚書

理窟

張憑字長宗嘗詣劉惔 處之下坐王濛與惔論言有不通憑
於末坐判之一坐皆驚惔延之上坐 晉簡文帝召之與語曰
張憑勃宰為理窟

正始遺風

張緒風姿清雅時靈和殿前植蜀柳帝曰此楊柳風流可愛似
張緒少年時 帝每嘆其清談袁粲曰緒有正始遺風 宋明
帝朝為中書令子充

高卧風月

張充字延符與王儉書云介然之志聳峭霜崖確乎之情峯橫

海岸 飛竿釣緒濯足滄洲獨浪煙霞高卧風月不能事王侯
覓知己也儉以示緒緒杖之一百 梁初為祭酒

孝張里

張敷字景胤小名檀父小名梨宋文帝問之曰檀何如梨對曰
梨是百果之宗檀何敢比 父卒毀瘠過制詔改其居曰孝張
里 宋武帝朝拜中書郎 子融

海賦

張融字思光弱冠有名道士陸修靜以白鷺羽扇遺之曰此旣
異物以奉異人 作海賦顧凱之曰實超玄虛但恨不道鹽耳
即注曰灑沙揚白熬波出素積雪仲春飛霜暑路 有文集數
十卷行世名玉海集 初解褐為宋參軍

碧山學士

張褒梁天監中不供孝士職御史彈劾之褒曰碧山不負吾乃

焚章長嘯而去 杜詩云碧山孝士焚銀魚

論事回天

張玄素諫唐太宗修洛陽宮魏徵聞之曰張公論事有回天之
力可謂仁人之言 為左庶子

翠微頌

張昌齡王公謹奉進士王師且知貢奉黜之以其文浮靡恐傷
雅道 貞觀末翠微宮成詣闕獻翠微頌上愛其文補通事舍
人

三戟張家

張儉字師約貞觀中為營州都督兄文師大僕卿弟延師左將
軍並賜銀青光祿大夫兄弟門皆立戟時號三戟張家

萬石張家

張文瓘字稚圭高宗朝拜侍中四子潛沛洽涉官皆二品時號

萬石張家

青錢李士

張鷟字文成兒時有紫文大鳥止於庭大父曰五色赤文鳳也紫文鸞鷟也殆將以文章瑞朝廷乎遂名鷟 高宗朝八以制李皆中甲科負半千稱其文猶青銅錢乃選万中時謂青錢李士

明經高第

張知審歷十一州刺史則天奇其兒詔工圖之 中宗立封范陽郡公弟知玄知晦知泰知默共五人皆明經高第

六郎

張易之弟昌宗得幸於則天兄弟出入楚中貴震天下呼易之五郎昌宗為六郎楊再思曰人言六郎似荷花乃荷花似六郎耳

宰相材

張柬之為荊州長史則天欲得一奇士用之狄仁傑曰張柬之雖老宰相材也卒用為相誅二張中宗復辟有安社稷功 封洪陽郡王 皇甫湜詩云烈又張洪陽左祖誅諸武茂勳鑄鐘鼎江山食第土至今稱五王卓立邁千古

金鑑錄

張九齡字子壽唐開元賢相也千秋節公王皆獻寶鑑九齡上事鑑十章號千秋金鑑錄 李林甫欲中傷之九齡作海燕詩云海燕雖微物乘春亦暫來豈知泥滓賤只見玉堂開捷戶時双入華堂日幾回無心与時競鷹隼莫相猜 帝賜白羽扇獻賦自况末云苟效用之得所雖殺身而何忌又曰縱秋氣之移奪終感恩於篋中 開元後天下呼曲江公而不名第九臯九章 子極 玄孫仲方生而岐嶷父友高郢異之曰此兒必為

國器後為御史

鳴珂里

張嘉貞唐開元中拜中書令弟嘉祐進左金吾每朝軒蓋騶導盈園巷時號所居坊曰鳴珂里子延賞延賞子弘靖弘靖子次宗四世並為中書舍人

識一丁

張弘靖字元理為盧龍節度使曰而輩挽兩石弓不如識一丁字軍士銜之唐元和中拜平章事祖父為相號三相張家

幽谷一叟

張鎬字從周有大志觀經史猶漁獵然蕭嵩薦之曰用之則為帝王師不用則幽谷一叟耳杜詩云張公一生江海客元宗擢為右拾遺不數年出將入相

曳白

張奭唐開元中就試花萼樓下手持試紙竟日不成一字時人謂之曳白

矮屋擡頭

張彖為華陰簿為守令所抑咲曰大丈夫有凌雲蓋世之氣而拘於下位如立身矮屋之下使人擡頭不得棄官歸

罵賊

張巡志氣高邁唐天室中祿山反巡守睢陽縛藁為人剡蒿為矢大小四百戰糧盡城陷罵賊而死尹子奇以刀扶其口齒存者三四

燕許筆

張說字道濟唐開元中為中書令封燕國公蘇頲封許國公皆以文章著名時號燕許筆帝有所為必使視草三子均均叔均授大理卿杜贈詩云通籍躡青瑣亨衢照紫泥後均均皆

以從祿山而敗

煙波釣徒

張志和字子同金華人母夢楓生腹上產志和初名龜齡肅宗命待詔翰林賜今名因親喪不仕居江湖自號煙波釣徒每垂釣不設餌志不在魚也 號玄真子 觀察使陳少游表其居曰玄真坊為買地大其間號回軒巷門前阻水為構一橋號大夫橋 陸羽問孰與往來對曰太虛為室明月為燭與四海諸公共處未嘗少別何有往來 帝賜奴婢各一志和配為夫婦名曰漁童樵青 有漁歌云西塞山前白鷺飛桃花流水鱖魚肥青莢笠綠簑衣斜風細雨不須歸 松江蟹舍主人歡菰米蓴羹亦共餐楓葉落荻花乾醉宿漁舟不覓寒 雲溪灣裏釣魚翁舴艋為家西復東江上雨浦邊風更着荷衣不款窮 兄鶴齡築室越州東郭椽棟不施斤斧

草聖

張旭嗜酒善草書每大醉呼叫狂走乃下筆或以頭濡墨而書既醒自視以為神世呼張顛 與李白等為飲中八仙杜甫歌云張旭三盃草聖傳揮毫落紙如雲煙

草木知名

張万福三世明經德宗召拜濠州刺史謂曰先帝改尔名所以褒也朕謂江淮草木亦知尔威名仍賜舊名

天麒麟

張盥始生三朝刘禹錫与宴故其詩云尔生始懸弧我作座上賓幸筋引湯餅祝詞天麒麟

双与

張越石与弟楚金同中第有司以兄弟不兩收將罷越石楚金自陳請俱退李勣曰貢奉本求才行何惜双与

張齊賢字師亮趙太祖幸西都齊賢以布衣陳十策四說稱旨
堅執其餘皆善以東帛遣之歸謂晉王曰吾幸西都得一張齊
賢異日可用為相 太宗即位放進士齊賢適在第三甲有旨
一榜及與京官不十年拜相 致仕歸洛陽得裴度午橋莊鑿
渠通流栽花植竹日與故舊乘小輿携觴遊釣詩云午橋今得
晉公庐水竹煙花具有餘師亮白頭心已足四登五府九尚書
謚文定

方面之任

張詠字復之登太平八年第嘗曰吾榜得人最多謹重雅望无
如李公沆深沈有德无如王公 面折廷争无如寇公 當方
面之任諫不敢碎 及第後寄友人傳霖詩云前年失脚下漁
磯苦恋明時未忍歸為報巢山莫相笑此心不是愛輕肥 嘗

從陳希夷李道欲分華山一半陳以筆墨蜀牋贈之後帥蜀寄
希夷詩云性愚不肯住山林剛要清流擬致君今日星馳劍南
檄回頭慚愧華山雲 性極清介燕處惟紗帽皂條布裘而已
昼像衣兔褐自贊云乖則違俗崖不利物乖崖之名聊以表德
因號乖崖公 迂工部尚書再充十州宣抚使 謚忠定

好官負

張晞顏為萍鄉宰時范延賞貴為殿自過金陵張詠為守問天
使見好官負否范曰萍鄉宰張晞顏好官負也自入其境橋道
完田萊闢野无惰農市肆无賭博夜聞更鼓分明詠曰天使亦
好官負也同薦于朝二人後皆為良吏

三世衣冠

張士遜字順之少時植桐於蕭寺宋淳化壬辰登第後告老留
題於寺云桐枝手植有桐孫二紀重來愧此身三世衣冠聯貴

仕十州軒冕接清塵耕桑雖喜多新隴耆艾堪嗟少故人蕭寺
門前題粉壁又書丁巳對壬辰真宗朝與陳堯佐同秉政及致
仕寄以詩云赭案當年並命時兼葭衰颯倚瓊枝皇恩乞與桑
榆老鴻入高冥鳳在池

閑忙令

張君房宋祥符中為著作佐郎李士院辭命多其代作時章聖
詔撰日本國祥光寺記而君房方醉飲樊樓中使三促紫微大
窘後因卒閑忙令錢希白云世上何人號最忙紫微失却張君
房

白雲孤鶴

張俞字少愚又字叔才仁宗朝西戎犯边上書陳攻取十策授
校書郎歸隱青城山之白雲溪文潞公田况呂夷簡屢薦之皆
不起凡六辭召命有詩云欲作外臣誰是友白雲孤鶴在岩扉

遊驪山二絕後夢太真賜百合香

六客詞

張復守秀州郡圃有六客亭先是李公擇守此郡張子野劉孝
叔在焉楊元素蘇軾陳令宰過之會飲于碧澗堂子野作六客
詞令張復守是邦蘇軾曹子方劉景山蘇伯固張秉道來過與
復為六可繼前事坡為後六客詞

文有三代風

張方平字安道少穎悟家貧无書借人三史旬日还之曰已知
其詳矣凡書一覽終身不再讀宋綬蔡齊以為天下奇才共以
茂才異等薦之慶曆初元吳叛公上平戎十策上手詔褒
之曰文章典雅有三代風熙寧初參大政謚文定子恕

三影即中

張先字子野詩筆老健倅秀州剡花月亭詞中警句云雲破

月來花弄影浮萍斷處見山影隔牆送過秋千影世號為張三影
神宗朝為郎中

浮休居士

張舜民字芸叟少慷慨善論事元祐中司馬公率之云才氣秀異剛直敢言召試秘閣自號浮休居士

虎皮講易

張載字子厚孝古力行為閩中士友宗師皆稱為橫渠先生在京師坐虎皮說周易听徒甚衆一夕二程至次日撤去虎皮曰二程深明易道吾不知諸子宜師之遂歸陝西故晦庵贊之云蚤說孫吳晚逃佛老勇撤臯此一變至道有訂頑砭愚二銘後改為東西銘有正蒙經李行於世神宗朝同知大常禮院弟馱

無尽居士

張商英字天竇童時日記万言趙抃薦之召之赴闕袖草茅憂國書以進紹興中拜相時久旱慧出天心是夕大雨慧沒徽宗書商霖二字賜之李浮屠法號无盡居士

忠貫日月

張浚字德遠號紫岩先生紹興中拜相克川陝宣撫忠貫日月孝通神明勲在王室恩在生民威震四夷功垂永世後公謫於求胡澹庵謫於衡二公手書往來无一語不相勉以天人之孝无一念不相憂以國家之大事述四德銘以示人曰忠則順天孝則生福勤則業進儉則心逸遣人銳之於石去國二十年雖小兒婦女亦知天下有張都督也孝宗即位進封魏國公謚忠獻子栻

義利之辨

張栻字敬夫自幼侍魏公左右所見聞莫非仁義忠孝之實及

長李於胡五峯之門李必先義利之辨官至秘閣修撰號南軒先生

橫浦居士

張九成字子韶號无垢八歲默誦六經十歲能屬文諸老先生
笑異之曰奇童子也始李於龜山之門紹興中對策集英殿
上曰忠鯁可嘉擢實第一一歲薦寒士館地十數人而得魁
天下之報謫南安閉門謝客以經史自娛倚柱觀書庭磚双
足跌隱然公自題柱曰老來目病執書就明者十四年倚立積
久双跌隱然可一笑也因自號橫浦居士官至秘閣修撰
子遜厚 幼厚

○張相如洪文稱為長者 封東陽侯

○張邵字元伯与范巨卿為雞黍之約

○張玄字希祖范甯謂王忱曰張玄吳中之秀

○張裕五子 演 鏡 求 辯 岳 俱知名時謂張氏五

龍

○張楚事母至孝榜其門曰孝行之閭里曰孝行之里

○張縷仕梁為左僕射武帝捋其鬚曰張公可謂異人

○張祐元和中詩人令狐楚錄其詩三百首表薦之

○張季友等號龍虎榜 ○張渾香山九老 見明姓

○張喬咸通中號十哲 ○張正則號四夔

○張好問為大子中允至道九老中人

○張盡字景先張問字昌言与耆英會

○張來字文潛為蘇門四孝士

○張中庸知洋州民號水晶灯笼

○張亢世尚儒李號書樓張家 与王琪為晏元獻上客

○張知白宋天聖中拜相清約如寒士 謚文節

女德婚姻

閨房之秀

晉張玄字希祖妹有才質適顧氏濟尼曰顧家婦清心玉映自是閨房之秀

當梁之忌

張華少孤貧鄉人劉毅奇其才以女妻焉 華嘗著感婚賦有云彼婚姻之俗忌惡當梁之在行俗以子午卯酉為當梁年婦不可拜舅姑重禁之

公侯妃

張宣子并州豪族富於財与刘殷同郡時齊王攸徵殷又辭宣子勸之就徵殷曰今王母在堂既應他命不得就養矣此子輿所以辭齊大夫也宣子喜嘆以女妻之妻怒曰吾女姿識如此何患不作公侯妃而以与刘殷乎宣子曰非尔所及也卒妻之

女性柔婉事王母及孝奉殷加父

婿家

張詠之子娶王禹偁之女張齊賢嘗言於上曰詠本無文凡奏疏皆婿家王禹偁代為之

婚姻榮盛

張說男女數人婚姻榮盛次子垺尚公主為三品夫人次女適盧氏為舅盧公求官与徐堅徐安皆得召入禁中謂之翰林待詔垺供奉翰林以所得御賜誇其兄兄曰此婦翁賜女婿非天子賜李士也

友婿

張方平娶馬氏大常少卿絳之女也女適王鞏 子恕娶滕達道第五女与何洵直王渙之並為友婿

仙婿

張老種瓜園叟也下聘錢五百緡娶韋怒女後同歸王屋山大婦成仙

狀元婚詩

張又新唐元和中狀元及第乃謂揚慶州曰吾少擅美名得美室足矣既婚殊失所望作牡丹詩云牡丹一朶直千金將謂從來色最深今日滿園開似雪一生辜負賞花心

妓妾

記曲娘子

張紅紅大曆中才人也韋青納為歌姬樂工撰新声未進潜听而記其拍矣敬宗召入宮號記曲娘子

紫雲車

張好又善歌沈著作納之杜牧詩云君為豫章姝十三纔有餘主公再三嘆為言天下無云身外任塵土樽前極歡娛飄然

集仙客載以紫雲車

燕子樓

張建封舞妓盼又居燕子樓公薨誓不他適有燕子樓詩三百首白樂天為之作序又作三絕云滿窗明月滿樓霜被冷燈殘拂卧床燕子樓中霜月苦秋宵只為一人長今春有客洛陽回曾到尚書冢上來見說白楊堪作柱爭教紅粉不成灰

燕燕

○張妾名燕一文溪成帝時童謠云燕二尾涎又張公子時相見故東坡賀子野買妾云公子歸來燕又忙

○張浚母秦國夫人高奇浚知福州就州宅建眉壽堂（此以後並婚姻）

○張齊貴母封晉國夫人 見孫氏

○張負戶牖富室也以女孫妻陳平 見陳氏

○張禹愛女以妻蕭咸見蕭氏

○張嘉貞五女重牽絲之選見郭姓

○張延賞不識韋臯是貴人見韋氏

○張公微以女妻太守田豹之子仲春成婚見令狐氏

○張顯壽二女適馮左藏見馮氏

○張率韋放指腹為婚見韋氏

○張鑑女債娘妻外甥王宙見王姓

○張日用見鄭解奇之妻以女既而鄭果魁天下

○張徹娶韓俞之女見韓氏 ○張籍娶尚書胡珣之女

○張說微時元懷景知其必貴以女妻之

○張耳遊外黃二二富人女甚美庸奴其夫父曰欲求賢夫

宜從張耳遂嫁之

○鋪張 蘇張 壽張 金張 更張

〔章〕商音 河間

齊太公支孫封于朝其後以因為氏去邑為章齊將章子秦將章即皆其後也

外台鉉

章昭達字伯通吳丹人性倜儻輕財尚氣陳文帝夢昭達外台鉉及旦告之曰何以償夢對曰當效犬馬之用以及臣節 後拜司空

歸燕詩

章孝標唐元和中進士下第作歸燕詩上考官庾承宣云積累危巢泥已落今年欲向社前歸連雲大廈無棲處更傍誰家門戶飛上知幸侍郎鄭愚云翩二飛燕畫堂開送古迎今幾万回長向春秋社前後為誰歸去為誰來

譏諷

章碣唐詩人也邵安石隨高湘歸朝湘知貢辛安石中第碣作詩譏之曰懶修珠玉望樓臺眉目連娟幸不開縱使東巡也無

益君王自帶美人來

孝子

章全益唐人家涪城少孤為兄全啓鞠養兄亡服斬衰斷一指以報不娶賣藥自給居成都四十年號章孝子

庭橫象笏

章得象字希言仔鈞之後生時母夢庭橫象笏因以得象名之性端重宋仁宗朝在翰林二十年怡然自得處相位八年親戚子弟皆抑而不進 封卯公 謚文簡

風骨奇貴

章惇字子厚始生族父得象奇其風骨以為必貴 宋元豐中拜相封申國公 子持 援

兄弟甲科

章援宋元祐中進士第一人兄持第十人時東坡知貢舉屬意

李方叔令叔黨持一簡与之值其出僕受簡置几上偶章持兄弟來訪取簡竊視乃劉向優於揚雄論二篇持去已而果出此題二章模倣坡作坡取之意必方叔乃二章也 子厚諸孫

傑 潜 泳 深 澣 洽 箴 梓 齋俱及第

水龍吟

章綵字質夫與東坡往來倡和嘗作水龍吟詠楊花坡与之帖云切聞公會用香藥皆珍異之物極為蕃商之苦公若奏罷之陰德非小補也柳花詞絕妙使來者何以措辭 宋徽宗朝為樞密 謚莊敏

河堤便民

章衡字子平宋嘉祐進士第一人 帥真定府漳沱河每春瀾漫為民大患衡為築橫堤二十餘丈以障衝突民獲安處 終 室文待制

秋霜烈日

章穎字茂獻宋光宗朝為左司諫中書一日奏事擬公紫微上曰章穎好諫官何以遷之 寧宗朝為侍御史遷禮尚書 謚文肅 贊曰公風規峻整踐履端直凜乎如秋霜烈日之不可犯

篤實君子

章才邵篤孝能文世稱為篤實君子喜吟詩過清遠峽云岩頭風急樹欹斜江畔漁樵十數家老盡往來名利客年二秋水映芦花 晚年閑居与朱晦翁游

仙道

章思廉得道靈異之迹見于處州天慶觀有章真人昼像自贊云狂走兀坐端立靜眠然而又默鎮而不顛漏身走脫且守三田入以為怪我自然

○章仔鈞五代時人安貧樂道居鄉有賢行子孫多顯仕

婚姻

○章仔鈞娶練氏生子十五人仁蓄仁郁居長多為顯官家于浦城之西村

○章文虎江寧人妻刘氏字文美能詩詞

天章

倉章

建章

蘇章

美

商音

天水

炎帝生于美水因氏焉

鈞璜

姜子牙鈞於磻溪之慈泉鈞得玉璜刻曰周受命吕佐書大傳

周西伯出獵卜之曰所獲非龍非鸞非虎非熊所獲伯王之輔

果遇子牙於渭之陽曰吾太公望子久矣故號之曰太公望載

之後車立為師 封於吕故曰吕尚齊世家 兵法六韜曰文韜

武韜虎韜豹韜龍韜犬韜

共被

姜肱字伯淮與弟仲海季江友愛甚至肱事後母篤孝常與二弟共被卧以慰母心嘗與季江詣郡夜遇盜肱曰吾弟父母所矜且未聘娶可殺我季江曰吾兄國之珍寶願代兄死盜兩釋之

江水出鯉

姜詩事母至孝妻龐氏奉姑尤謹母好飲江水嗜魚膾一日舍側忽有湧泉味於江水每且輒出雙鯉取以供母洪永平中奉孝廉

膽斗

姜維字伯約蜀先主用為征西將軍孔明與張裔書曰伯約忠勤涼州上士也後錄尚書事魏破蜀維因鍾鄧之亂欲復立蜀主事不成將士格殺之剖其腹膽如斗

衣錦

姜暮山西豪族也唐高祖擢為秦州刺史曰昔人稱衣錦還鄉今以本州相授所以償功

一心穿地

姜師度唐元宗朝為河東尹遷同州刺史以清白稱收棄地二千餘頃皆為上田時傳孝忠以知星顯時語曰孝忠知仰天師度知相地傳兩眼看天姜一心穿地

破天荒

姜唐佐字公弼瓊人從東坡李坡嘗跋其課冊又贈之詩云滄海何曾斷地脉白袍端合破天荒子由足成一篇云生長茅間有異芳風流纓下占諸姜適從瓊管魚龍窟秀出羊城翰墨場

一世大儒

入前二句 錦衣他日人爭看始信東坡眼力長

姜潛石守道門人也呂希哲薦潛及王回吳回張載為一世大儒潛之孫自號金城居士宋熙豐間為承議郎后山有寄姜承議詩云金城已作歸田計王版方書濟物情黃帝素問有玉版篇居士善醫故云

雙白石

姜夔字堯章宋南渡後人居苕溪與白石洞天為鄰潘轉翁號之曰白石道人且畀以詩云人間官爵似樗蒲采到枯松亦大夫白石道人新拜號斷無繳駁任稱呼姜谷云南山仙人何所食夜又山中煮白石世人喚作白石仙一生費齒不費水仙人食罷腹便又七十二峯生肺肝云云時姜與黃岩老同李詩於蕭千岩而黃亦號白石時稱雙白石

奎書之寵

姜嶼宋景德中刘文質奏部內官高輔之李易直艾仲孺梅詢

高貽慶姜嶼六人有治迹賜奎書褒諭又見邊肅

方士

姜識方士也自言有神術可使死者再生時仁后薨上悲慕俾試其術旬日不效乃曰臣見太皇太后與仁宗臨白玉闌賞牡丹无意人間世也

○姜公輔德宗朝拜相在奉天直諫上謂其賣直售名尔

○姜度生子李林甫手書賀云聞有弄麈之喜錯寫璋字

婚姻

姜字子居少孤貧為河北陳不識家牧羊年十五身長七尺九寸美風儀聰慧夜專讀書達旦而止不識奇之欲妻以女妻不從其女曰觀其姿才豈久為人牧羊者乎遂妻之

姜詩娶寵盛之女

姜遵字從式為樞副以女妻范文正公

○姬姜 齊姜

梁

商音 安定

伯益之後秦仲有功周平王封其少子康於夏陽是為梁伯其後以國為氏

生當封侯

梁竦字叔敬登高遠望嘆曰大丈夫生當封侯死當菹食如其不然閉居可以養志詩書足以自娛州郡之職徒勞人耳著書名曰七序班固見之曰孔子作春秋而亂臣賊子惧梁竦作七序而素餐竊位者慚 洪明帝朝辟命交至並不就 肅宗納其二女為貴人生和帝

良輔

梁商字伯夏竦之孫漢順帝選其女為后拜商大將軍商自以戚屬居大位每存謙柔虛已進賢辟巨覽陳龜為掾李固杜喬為從事中郎京師翕然稱為良輔 子冀字伯卓奮肩豺目質帝目之曰跋扈將軍也後誅死

五噫

梁鴻字伯鸞扶風人東漢逸民也東出關過京師作五噫歌易姓連期名耀与妻居齊魯之間又適吳依大家臯伯通居廡下卒伯通為求葬地於吳要離冢傍曰要離節士伯鸞清高可令之相近

嘉禾之瑞

梁彥先字脩之少岐嶷父母曰此兒風骨不凡當與吾宗後為岐州刺史嘉禾連理木出於其境奏課第一

甘露之瑞

梁文貞至孝親亡庐墓暗然三十年有甘露降塋木白兔馴擾縣令刻石紀之 唐孝女傳

荆臺隱士

梁震唐末登第過江陵高季興愛其才欲留之震退築室洲上

披鶴擎自稱荆臺隱士曰吾老不能復事人矣

鳳樓賦

梁周翰字元褒宋乾德中大修宮闕周翰撰丹鳳樓賦以進時李昉為相以其名聞除起居舍人真宗朝知制誥柳開贈之詩云九重城闕新天子方卷詩書老舍人与朱昂楊大年同在禁掖

青雲得路

梁顥宋雍熙二年試庭燎賦進士第一人時年八十二謝啟云白首窮經少伏生之八歲青雲得路多太公之二年詩云天福三年來應幸雍熙二載始成名從教白髮巾中滿且喜青雲足下生翻榜更無朋輩在歸家惟有子孫迎也知年少登科好爭奈龍頭屬老成遊齋閑覽先正云以史汝之顥字太素雍熙二年登第景德元年以翰林知開封府卒年四十三遜齋所言

非也 子固

狀元兒

梁固宋祥符二年試大德曰生賦擢倫魁魏野詩賀云封禪汾陰連歲榜狀元俱是狀元兒本朝人物熙又盛風虎雲龍會遇時後直史館卒年三十三

名在御屏

梁鼎宋淳化中為殿中丞出守吉州擊狂猾上賞其能賜緋魚犀帶且記其名於御屏除知制誥

玉堂硯

梁燾宋熙寧中蘇頌贈以石硯曰留為異日玉堂之用後頌拜相燾在翰林草制用此硯也

甘露亭

梁紹仕宋為廣東提幹事母孝母病掛冠歸及卒廬墓手植松

栢號碧林亭甘露降芝草生東坡在海外聞其孝節往見之易其亭曰甘露亭松曰瑞松皆為親染

調鼎

梁克家字叔子嘗館於東齋梅花忽開詩云九鼎燮調終有待百花羞澁敢言芳宋紹興中果魁天下後為相

○梁鱸字叔魚孔門弟子封千乘侯

○梁統字仲寧洪建武中封義成侯出守九江有治迹

○梁松字伯孫統之子問馬援疾拜床下援不答松恨之

女德婚姻

訟寃

梁嫿 於計切 梁賁人之姊南陽樊調之妻竦之女時二妹為

賁人以竇氏譖死嫿上書為之訟寃帝引見留宮中賞賜十萬

號梁夫人擢樊調為光祿大夫

綠珠

梁氏女有容色石崇為交趾采訪使以真珠二斛買之名曰綠

珠 趙王倫篡位孫秀求之綠珠墜樓而死崇遇害 山谷詩

云欲買娉娉供煮茗我無二斛明月珠

幸按齊眉

梁鴻有高節勢家爭欲女之平陵縣孟光狀肥醜而黑力率石

臼擇對不嫁年三十曰欲得賢如伯鸞者鴻聞而娶之既成婚

鴻曰吾欲裘褐之人可與隱深山者爾今衣綺縞傳粉黛豈予

願哉光曰妾自有隱居之服乃更為推髻着布衣操作而前鴻

大喜曰真梁鴻妻字之德耀與俱入霸陵山以耕織為業詠詩

彈琴自娛 後同適吳依大家臯伯通為人任春每歸妻具食

幸按齊眉

○河梁 呂梁 濠梁 屋梁

涼茂字伯方少好李議論常據經典為魏郡大守拜其陵相所

至有治績魏之良吏也

角音清河

文帝朝拜尚書僕射

校書

房鳳字子元洪成帝時大司馬王根薦之明紹通達擢為光祿

大夫与王龔刘歆共校書三人皆侍中

房植洪桓帝時為河南尹有名當朝鄉人謔曰天下規矩房伯武因帥獲印周仲進由是其陵有南北部之議

五經庫

房揮遠字崇儒幼有志行明三礼詩易春秋隋文帝禪迁大常博士牛弘服其傳稱之為五經庫

三輔最

房恭懿字慎言隋開皇初蘇威薦之授新豐令政為三輔之最上嘉之賜物四百段米三百碩恭懿以賑貧人 上嘗呼至榻前訪以理人之術

慈父

房彥謙字孝冲唐高祖時為長葛令百姓號之為慈父立碑頌德後去官不仕居家屢空怡然自得謂其子玄齡曰人皆因祿貴我獨以官貧所遺子孫清白耳

聳壘昂霄

房玄齡字喬幼警敏年十八幸進士高孝基謂裴矩曰僕閱人多矣未有如此即者當為國器恨不見其聳壘昂霄耳 唐武德初太宗時為秦王延四方文士以記室 房玄齡 杜如晦 虞世南 姚思廉 李玄道 褚亮 蔡允恭

薛元敬 顏相時 于志寧 蘇世長 薛收
李守素 陸德明 孔穎達 蓋文達 許敬宗 蘇勗
兼文孝館卒士號十八孝士時人謂之登瀛洲 太宗即位以
有決勝帷幄定社稷功居第一進左僕射更封魏 居相位十
五年致 奉國年七十一薨謚文昭

家法

玄齡治家有法集古今家誠書為屏風令諸子各取一具曰留
意於此足以保躬 子遺愛尚主驕恣求徽中誣告兄遺直上
令長孫無忌鞠其事因得遺愛與公主謀反之狀遺愛伏誅公
主賜死 李世勣云房杜辛苦立門戶為不肖子蕩覆無餘

片言悟主

房瑄字次律宰相房融之子隱陸渾山十年天寶末明皇幸蜀
瑄上謁拜平章事與韋見素奉冊靈武立肅宗吐辭洪暢上傾

意待之 詔收復西京遇賊於陳濤斜瑄效古法用車戰大敗
贊云瑄以忠義自奮片言悟主取宰相

女德婚姻

○房玄齡妻剔一目示信

見盧氏

○房愛親妻親授子九經

○房武幼壯為良子弟老為賢父兄娶滎陽鄭氏生六男次鄉
次公次膺次回次衡次元 ○葯房 子房 張君房 費長房

唐

徵音 晉國

陶唐氏之後封唐侯子孫以國為氏
唐叔得禾異畝同穎作嘉禾篇書

丹崖

唐節唐玄宗時為縣令去官家于崖下號丹崖翁元結重之作丹
崖公詩 銘曰礪 又丹崖其下誰家門前釣舟籬下釣車不知
幾峯為其西墉竹出石磴泉飛戶中

辨謗畧

唐次字文編儉裔孫也唐德宗時因遭謗黜十年不遷作辨謗畧三篇憲宗立見而善之命李士沈傳師等再增十篇號曰元和辨謗畧

詩瓢

唐求放曠踈迷唐末方外人也吟詩有得即將藁然為丸投大瓢中後卧病投瓢於江曰得之者方知吾苦心耳瓢至新渠江有識之者曰此唐山人詩瓢也接得十纜二三題鄭處士隱居云不信最清曠及來愁已空數點石泉雨一溪霜葉風業在有山處道成無事中酌尽一盃酒老夫顏紅

識面臺官

唐介字子方為人簡伉端勁孫抃薦介及吳中復為御史与二人未嘗相識或訝之抃曰昔人耻為呈身御史今豈求識面臺官邪 宋仁宗朝為御史裏行彈張堯佐特加六品服以旌敢

言又言文彦博以燈籠錦媚張貴妃致相位上怒貶英州別駕徙監郴州稅李師中送以詩有去國一身輕似葉高名千古重於山之句 介渡淮中流遇風作詩云聖世非狂楚清淮異汨羅平生仗忠信今日任風波舟楫欹斜甚鼃鼃出沒多斜陽幸無事沽酒聽漁歌 神宗朝參大政 謚質肅 子淑問義問待問嘉問之問

宋詩人

唐庚字子西工詩湖上云桂月明作哲好風聖之清暮歸云草青仍過兩山紫更斜陽語意俱新 宋紹聖中張商英薦其才除提舉常平 號魯國先生 有文集二十卷

○唐李載國射人善相 又李允貴相蔡澤壽皆驗

○唐都方士也洪武詔求民間治曆者二十餘人都与焉

○唐林字子高唐遵字伯高明經飭行仕奔為九卿

○唐擅字子產東漢人好星占著書二十八篇號唐子

○唐彬同王渾等破吳稱疾史臣曰避名全節有廊廟材

○唐瑾周朝吏尚書有人倫之鑒平江陵惟載書二車歸

○唐儉佐太宗定天下為天策長史封莒公圖形凌煙閣

○唐愈宋元祐末掛冠為七老會見朱光復

○唐璘字伯玉宋宝慶間為察院稟又有直声

女德婚姻

○唐瓊華楚大夫唐勒之女勒妻一產二子男一女一男曰正

夫女曰瓊華

○唐衡中官也荀彧娶其女彧父緄畏其声勢故与婚

○唐儉愛崔謙之才以女妻之

○唐光韓愈為女婿俱娶盧貽女

○荒唐 高唐 陶唐 曉唐

汪

商音 平陽

古汪芒氏之後五代末汪族有自歙徙君發源皆以高貴為姓左着姓

衛社稷

汪躋魯童子也仲尼曰能執干戈以衛社稷雖欲勿殤也不亦可乎

居下訕上

汪輔之字正夫宋神宗朝為北京運判時文彥博以侍中判署北京輔之密劾公不治事上批云輔之小臣敢尔無礼

龍溪清風

汪藻字彥章紹興中為翰林李士章高麗詔不許入貢云壤晉館以納車庶無後悔閉玉闕而謝質匪用前規上稱其得代言体高麗謝表至上以所御白團扇親書紫誥乃兼縮黃麻似六經十字以賜之 自號龍溪結茅為亭面愚溪之口有群鷗日馴其地名曰玩鷗亭 有龍溪集行世 晚年詩文益奇与柳

儀曹相望於數百歲後文章格力實相上下 七子恬悟恪悌
儻愷暉

十科薦士

汪愷紹興五年詔復十科取士葉夢得薦愷及徐度汪藻薦徐
度王棠中與後以十科薦用自此始

倫魁之選

汪應辰字聖錫元名洋紹興五年進士第一御賜今名後為秘
本監食罷會茶一同舍就枕不起或戲之曰宰予晝寢於予與
何誅汪曰子貢方人夫我則不暇合坐稱羨 累遷吏尚本
號玉山

義莊

汪大猷字仲嘉在四明置田二十畝以為義莊欣慕者衆積置
三頃郡守林大中助絕產二頃遇士族之貧者家有吉凶隨事
白郡 又下莊給之為无窮之利 初調衢州江山尉分鄉警捕
境內肅然後有諭德之除龍大淵在閣門聞之丞稱以為當曰
某昔在三衢只見說江山縣尉之賢孝宗朝除敷文待制特外
李士

賜茶園

江綱字仲平宋乾道中知紹興府築一園曰賜茶取李白憶賀
監詩勅賜鑑湖水為君臺沼榮之意 創鎮越堂自為記又創
月臺於堂之前王十朋詩云人望使君如望月要須如鏡莫如
鈎 後以即官為本路憲兼帥在任九年召為戶侍

○汪革字信民宋紹熙中省元與江西詩派

○汪徹字明遠宋乾道中除樞密使 謚莊敏公

婚姻

汪勃娶祝景先之女朱文公書祝確遺事云確景先次子也景

先死時四妹猶未行公竭已資遣之其一歸汪公勃仕登二府
德公不忘人兩賢之

○憲量汪汪

○方

商音

周大夫方叔之後

風俗通云方霄

泥印

方回為盜所劫閉之室中回化而去仍以一九泥封其戶以方
回印又之

鑑湖處士

方干字雄飛居桐廬釣臺東之白雲原時號方處士隱鑑湖任
情漁釣吟詩有警句 庭接停猿樹岩飛浴鶴泉 野渡波搖

月山城雨翳鍾

孫洽稱之云其秀也仙蓋於常花其鳴也靈

龜於衆響 以脣缺有司不与科名晚年遇醫補之人號為補

脣先生 唐元和間韋莊奏賜干及第

高尚

方楷干之後也宋范文正詩云高尚繼先君若居与俗分 云云
幽蘭在深處終日自清芬

惡詩

方圭好為惡詩仁宗朝宋庠知揚州圭來謁燕干平山堂圭誦
詩不已適見野外有牛就木磨痒謂坐客朝諛曰青牛恃力狂
挨木談應声曰妖鳥啼春不避人圭悟其意飲散擊詈

題南樓

方澤字公悅宋神宗朝守鄂渚有題南樓畫閣詩山谷過之登
樓次其韻二篇又作詩寄公悅末云庾公風流冷如鉄誰其繼
之方公悅

名士

方豐之號北山紹興名士也有絕句云舍人早定江西派句法

須從活處參 取陵陽正法眼寒花承露落 又

輟俸抄也

方崧字季中宋隆興初登第和氣接物二十年安分有守始終所得清俸半為抄本之費 子信孺倅肇慶

花木僚友

方孚若新居成刘後村賀以詩云按行花木皆僚友主掌湖山即事權 宋寧宗朝為寺丞終室謨知府

二怪二之文如其人磊二落二之氣如其文

方岳字臣山號秋崖長於詞翰有小藁行世方澄孫序之云奇

文孝掌故官中秘本出守康庐秀水二郡 宋理宗朝兩為

○方達源宋元祐中為御史子元脩元若元矩俱有材名

○方君式与毛國華從東坡遊西菩提寺坡有詩刻于石

○方廷實宋紹興中拜監察御史剛直敢言

○方孟卿紹興中為右司諫

○方蒙仲號烏山宋理宗朝為博士和刘後村梅詩百首

婚姻

方勉字及甫娶許虞部之女好李能詩

○義方 大方 肘後方 越人方

常

商音 平原 衛康叔支孫封于常邑 因氏焉 一云黃帝臣常先之後

奉使不辱

常惠太原人漢武時隨蘇武使匈奴拘留十餘年乃还昭帝嘉其勤勞拜光祿大夫 謚壯武侯

忠節

常達陝州人從高祖征伐帝曰君忠節正可求之古人

帶經耕鉏

常林字伯槐家貧苦孝帶經耕鋤 梁習薦為名士魏太祖以
為南和宰後拜光祿大夫

儒林先生

常爽字仕明北魏人少聰敏五經百家多所研綜置館溫水之
右教授門徒七百餘人嚴厲有方高允稱之曰文翁柔勝先生
剛克立教雖殊成人一也 不事王侯獨守閑靜時號為儒林
先生 子文通 孫景

知人受賞

常何唐貞觀中為中郎將陳便宜二十餘條上怪其能對曰臣
家客馬周具草耳上以何為知人賜綸三百匹

設鄉校

常袞唐建中初為福建觀察使始閩人未知衣袞為設鄉校教
導之自是文風始盛 代宗朝為中本舍人文彩贍尉長於應

用善重一時後拜相

論奏時相

常安民字希古宋元祐中公卿薦其才召為大常博士上疏論
蔡京姦足以惑衆辯足以飾非巧足以移人主之視听力足以
顛倒天下之是非 建炎中官其子孫二人 紹興中其子固
為御史中丞敢言

汝陰處士

常秩字夷甫潁之汝陰人長於春秋居陋巷二十餘年歐公荆
公聞而稱之 嘉祐中薦于朝除國子直講不就 熙寧中被
召遂起累遷除宝文待制時歐公致仕治第于潁有詩云笑殺
汝陰常處士十年騎馬听朝雞

○常景字永昌雅好文章澹於榮利初為叶律博士

○常思字克恭郭威少孤舍於思家及即位呼為常叔

婚姻

○常衮以兄之子妻陳京 ○常脩娶閩圖之妹

綱常 馬氏五常

桑 商音 黎陽 秦大夫子桑之後以王父字為氏

心計

桑弘羊漢武時領大農及管天下鹽鈔作平準之法以心計不用籌筭言利事析秋毫 元封中賜爵左庶長

立世同居

桑虞字子深世人五世同居閨門雍穆有園去宅數里瓜果初熟人盜之虞以園多荆棘使奴開道盜竟之來請罪

道甲

桑道茂唐人善道甲待詔翰林所言皆驗

鉄硯

桑維翰字國橋為人醜怪身短面長嘗臨鑑自竒曰七尺之軀不如一尺之面 初奉進士有司惡其姓與衮同音不取人或勸其他仕乃著日出扶桑賦以見志鑄鉄硯示人曰硯弊則改而他仕卒第進士 晉高祖拜為相

○桑慥有素行宋天聖中除監察御史

○桑懌宋景祐中迂閣門祗候賞平蠻獠之功懌辭或譏懌好名懌曰苦避名則善皆不可為矣

○扶桑 柴桑 苞桑

臧

商音 東海 魯孝公子疆食采於臧是為臧唐伯子孫因以為氏臧文仲武仲宣叔昭伯皆其後世為大夫

有後

臧哀伯魯大夫周內史曰臧孫達其有後於魯乎君違不忘諫之以德

撫劍抵掌

臧宮字君翁佐光武中封朗陵侯 圖形雲臺 史臣論曰
臧宮馬武撫鳴劍而抵掌志馳伊吾之北矣

○臧盾侍宋武帝宴賦詩不成罰酒一斗

○臧榮緒宋人隱居京口教授生徒號披褐先生 南史

○臧厥拜晉安守下車宣化凶黨皆去人謂之臧彪

○臧質字含文有氣幹宋文帝謂可大任以為徐兗二州刺史

元嘉末守盱胎却魏兵二十万衆

莊

故音 天水

楚莊王支孫以謚与姓 周有莊字 齊有莊賈景公使盜殺 莖草後至遂 斬之 莊暴見孟子

漆園微吏

莊子名周蒙人也嘗為蒙漆園吏 楚威王厚幣迎以為相莊
子絕之終身不仕 著書十餘万言名南華經

○莊烏越之鄙人仕楚執珪 ○莊青翟前漢人以功臣侯

子孫拜相

○莊大成十歲能誦史書宋紹興中擬試童科

○黑莊 康莊 蒙莊

卽

商音 中山 魯懿公之孫贊伯城卽居之子孫因 氏焉

善風角

卽顓北海人父宗善風角星筭望氣占候顓少傳父業兼明經
典畫妍精義夜占象度 漢順帝時拜章言灾異之故召對復
陳便宜七事 召拜卽中辭病不就

削木剪紙

卽基字世業本文吏有武畧北齊擢為海西鎮將梁兵攻城基
削木為箭剪紙為羽固守還朝拜侍御史 子茂字蔚之七歲
誦騷雅日千餘言 次子楚之 北史

西昌逸士

即詠隱西昌採樵為業或擔入郡市遇人買則曰我西昌逸士酒中人也我今獻公所缺公當惠我所无

培塿松栢

即餘令唐初為霍王元斬參軍從父和年亦為王交王曰即家二賢皆入府不意培塿而松栢成林也弟餘慶為吏清而刻

錢郎

即士元晚唐詩人佳句甚多与錢起齊名時人語曰前有沈宋後有分郎

○檀郎 夜郎 郭郎

商音

京兆

衛康叔之後以謚為姓

康

草封禪儀

康子元唐開元初詔率能治易老莊者張說以子元應詔除侍

講 上封泰山說引子元草封禪儀從宗正卿

五可畏

康澄唐明宗時為大理少卿上疏言國家有不足惧者五有深可畏者六詔獎之

金帶

康延孝以百騎奔莊宗解御衣金帶賜之 五代

射藝

康保裔宋真宗朝人善騎射以十五矢引滿括鏑相繼而墜入服其妙後戰沒 子伯雄為桂州觀察使

待詔金馬

康与之字伯可號順庵宋南渡後有聲樂府秦申公薦於上以文詞待詔金馬門凡中具粉飾治具兩宮宴集皆修其歌詠故應制之詞居多 嘗題徽宗昼像云玉輦宸遊事已空尚餘奎

藻繪春風年二花鳥無窮恨尽在蒼梧夕照中高宗見之一慟而已

○康絢字長明個儻有志氣仕齊為華山守歸梁除衛奕

○康真人名桑洽三十九福地在常州宜豐縣

○孫康 顧長康

匡

商音 晉陽 魯匡邑宰匡旬頃之後

廬山君

匡裕周武王時人兄弟七人皆有道術結廬山中後得仙去空廬在焉故曰廬山漢武封裕為大明君又稱為廬山君廬山記載匡裕為周威王特人

解頤

匡衡字稚圭家貧好學常鑿鄰壁引光讀書精力絕人諸儒語曰無說詩匡鼎來匡語詩解人頤 宣帝朝射策甲科元帝朝

史高薦於上迂傳士給事中建初三年拜相 十年之間不出長安城門而至相位 子咸亦明經歷位九卿家世多為博士者

至孝

匡昕字令先有至性母病亡經日昕奔还號叫母即蘇皆以為至孝所感

湯

商音 中山 商湯之後以謚為姓

詩僧

湯惠休宋孝武時沙門也善屬文武帝命之还俗官至揚州從事史 江淹擬湯休雜篇二十一首

潤筆

湯文圭吳人時李德誠加司空文圭草麻濡毫之賂不至湯以詩促之云紫殿西頭日欲斜曾草臨川上相麻潤筆已曾關奏

謝更胤章旬問張華時人笑之

同年李士

湯鵬後唐長興二年盧華榜下登第同榜五人皆為翰林李士張說湯鵬吳承範江文蔚范禹備也

東西府

湯鵬字致遠宋紹興中參大政家于潤之金壇時張綱居縣西人呼張為西府湯為東府同時執政也

御軍有法

湯東野宋建炎初試工部知建康府代連南夫之任時戍兵喜標掠市井東野峻法繩之民恃以安

三元坊

湯璿長沙人宋淳熙中為省元先是同郡王容釋褐易袂為狀元故郡有三元坊

○湯悅与徐鉉直李士院皆江南文士

○湯思退試博李宏詞宋紹興末拜相封岐公

商

宮音 汝南

商湯之後以國為氏 商鞅本衛公子公孫氏受秦封於商 商号商君其後亦以商為氏

傳易

商瞿字子木傳易孔門古注商瞿姓也有若曰商瞿年長无子

孔子曰勿憂瞿年四十後當有五丈夫已而果然

蛤詩

商凝式隋人煬帝好食蛤忽一蛤推擊不破夜有光肉又自脫有一佛三菩薩像乃悔不食凝式詩曰雖因雀变化不逐月虧盈雖有天中像神功詎可成

昌

商音 汝南 黃家子昌意之後

○昌義之梁天監中封永豐侯迁徐州刺史魏兵十万攻理離

義之固守救兵至大破之南史

○昌懿邕州進士補文李紹具中上疏言馬政

○昌湜宋仁宗朝為大理寺丞胡文恭公行制

○昌求宋紹具中特奏狀元

長

○長弘周敬王時為大夫孔子從而問彖焉莊子外物篇云

長弘死于蜀藏其血三年而化為碧碧玉也

○長鳳唐末人嘗贈羅隱鴈頭牋百幅

○長從簡善用槊力敵數人仕後晉為金吾將軍

皇

三皇之後因氏焉 皇武帝為宋大夫 見舊止 皇國父為宋太宰 皇初平 皇十七

○皇弘東漢人受本於朱普

○皇侃好孝尤明三禮為國子助教梁武帝召入壽光殿說禮

記義善之加散騎常侍

強

商音 天水 左傳強鉏平 漢光武紀強華 其兩切

○強循為雍州參軍華原无水人畜多渴死循引渠水以浸田

一方利之號強公渠唐中宗時

○強猷明錢塘人宋熙寧中兄弟五人相繼登第皆至顯官猷

明工部架閣 浚明尚書郎 淵明翰林李士 偉明陟明

歷外任皆有名蹟

襄

襄楷字公矩好孝博古善天文陰陽之術漢相帝時災異數見

楷詣闕上疏不見採 陳蕃宰楷方正不就

倉

黃帝史官倉頡之後 漢循吏居家長子孫有倉 氏庫氏 漢倉公姓淳于為大倉令故號倉公

○倉頡回目觀鳥跡而制字淮南子云頡作本而天雨粟鬼夜

哭

○倉孝仁魏太和中遷燉煌太守良二千石也

○倉跋北魏人孝行見稱鄉里詔旌表門閭 史臣曰竭股肱
之力及愛敬之心承膝下之歡忘軒冕之貴

恙

恙帖五代時人与桑維翰有宿怨維翰拜相令韓魚召之來与
之一官及至誣其謀反殺之他日公坐小軒帖來謁見責公报
怨何深未幾維翰卒

丁集終

○桑維翰字魯之京兆長安人少孤志氣高自負其才
○長安人少孤志氣高自負其才
○長安人少孤志氣高自負其才
○長安人少孤志氣高自負其才

